

sanctos voluntate, peccatores vero sibi necessitate A subjectos. Atque ita sit ut inimici etiam subjecti sint pedibus ejus. • Item in Osee. : « Super tritico et vino fatis mysteriis corporis et sanguinis Christi heretici conciduntur, et diversa sibi constituant tabernacula, et eversi sunt in nibilum : si enim veritas Deus est, quidquid est contrarium veritati, mendacium est, et nihil nominatur. » Item in psal.

(52) Ex codicibus mapuscriptis.

CLXV : Dat escam coenantibus : Putat quis, quod panem coelestem de mysteriis dicat. Et de hoc quidem accipimus; quia vere caro Christi est. Ceterum dicamus aliter, panis Christus, caro ejus sermo divinus est, et doctrina coelestis, quae animam nostram reficit. »

*Explicit liber domini Guillermi de corpore et sanguine Domini (52).*

## SPECULUM FIDEI.

(*Bibliotheca Cisterc.* ubi supra, p. 79.)

Inter omnia salutaria Dei salutarium nostrorum, B quæ Deus noster, Deus salvos faciendi (53), bonum ad salutem suam proponit observanda, sicut dicit Apostolus (*I Cor. XIII*), « manent tria haec, fidès, spes, charitás, » maxime observanda salvandis mortalibus. Haec enim trinitatem constituit Trinitas sancta in mente fideli, ad imaginem et similitudinem suam, qua renovamur ad imaginem ejus qui nos creavit, in homine nostro interiori ; et ipsa est machina illa salutis humanæ, cui aedificandæ ac construendæ in cordibus fidelium invigilat omnis Scriptura divinitus inspirata. A fide enim incipit homo. Interim quippe dum peregrinamur a Domino, non nos fallit Apostolus, qui dicit (*Ephes. III*), Christum per fidem habitare in cordibus nostris. Sed et spes peregrinationi nostræ necessaria est. Ipsa enim est quæ consolatur in via. Tolle enim viatori spem perveniendi, franguntur vires ambulandi. Cum autem venerinus quo tedium, jam non erit fides. Numquid enim dicetur nobis, Crede ? Non utique, quia videvimus Deum, et contemplabimur eum. Sed neque spes jam erit necessaria, quando erit res. Quod enim videt quis, quid sperat ? (*Rom. VIII*.) Nec tam fides et spes peribunt, sed in res suas transibant. cum, quod credebatur, videbitur; habebitur, quod sperabatur. Charitas vero non tantum erit, sed perfecta erit : cum, quod nunc diligitur credendo et sperando, tunc diligitur videndo et tenendo. Interim vero homini in illo lumen incircumscripsum intendere cupienti quam necessaria sint tria haec, facile est advertere. Tria namque habent necesse est oculus, quibus jam bene uti possit, ut aspiciat et videat. Oculus vero animæ mens sive ratio est, ab omni malo pura atque purgata : quod ei primo nihil aliud præstat quam fides. Si enim non credit se visuram quod adhuc demonstrari non potest ægrotanti, quia nequit videre nisi sanæ, non dat operam sue sanitati. Sed quid, si credit qui-

dem et rem se habere, sicut dicitur, atque ita si videre potuerit, se esse visuram, sanari tamen se posse desperet, nonne se prorsus abjectit atque contemnit, nec præceptis medici obtemperat, præseruit quia præcepta ipsa necesse est ut morbus durarentur ? Ergo fidei spes adjicienda est. Quid si, et credit ita se habere omnia, et se speret posse sanari, ipsam tamen quæ promittitur lucem non amet, non desideret : suisque tenebris, quæ jam ei in consuetudine jucundæ sunt, se arbitretur debere esse contentam : nonne nihilominus inedicum respuit ? Ergo tertia charitas necessaria est, et nihil tam necessarium. Igitur sine tribus istis anima nulla sanatur. ut possit Deum videre, hoc est intelligere. Cum ergo sanos habuerit oculos, restat ut aspiciat.

C Aspectus autem animæ ratio est. Sed quia non sequitur ut omnis qui aspicit, videat : aspectus rectus atque perfectus, id est quem visio sequitur, virtus vocatur. Virtus namque est recta vel perfecta ratio. Sed et ipse aspectus, quamvis jam sanos oculos convertere in lucem non potest, nisi tria illa permaneant ; fides, qua creditur ita rem se habere, ad quam convertendus est aspectus, ut visa faciat beatum ; spes, qua cum bene aspicerit, se visurum esse præsumat ; charitas, qua videre perfrique desideret.

D Jamque aspectum sequitur illa visio Dei, quæ est finis aspectus ; non quo jam non sit, sed quo nihil amplius habeat quo se intendat : et haec est vere perfecta virtus, ratio perveniens ad finem suum, quam beata vita consequitur. Ipsa autem visio intellectus ille est, qui est in anima, cum animæ intelligere, hoc est Deum videre, contigerit. Ita cum justus ex fide vivat (*Rom. I*), manent utique ad formandam vitam fidelium tria haec. Hinc namque sit ut pares cum eis mores non habeant infideles, qui haec tria cum fidelibus paria non habent. Qui enim a fidelibus alia credit, alia sperat, alia diligit,

(53) Quoddam ex margine codicis in textum videntur irrepsisse quæ sensum conturbant.

necessum est ut etiam aliter vivat. Nam etsi usus quarundam rerum similis esse nobis cum gentibus videtur, longe tamen aliter his rebus ultimorum, qui ad alium finem usum earum referimus, aliter de eis gratias agendo, de quo prava et falsa non credimus; et easdem res non ad eundem finem referendo, sed ad finem divini legitimique praecepti, charitatem de corde puro, et conscientiam bona, et fide non ficta. Nam et homo fide, spe et charitate submixus, eaque inconcussa retinens, non indiget Scripturis, nisi ad alios forte instruendos. Ita inulti per haec tria etiam in solitudine sine codicibus vivunt. Unde et in illis arbitror jam impletum esse quod dictum est, quoniam et sive prophetiae evacuabuntur; sive linguae cessabunt; sive scientia destruetur (*I Cor. XIII.*). Quibus tamen quasi machinis tanta in eis fidei, spei et charitatis surrexit instructio, ut perfectum sine illis apprehendant, quale potest esse perfectum vita hujus, quod per fidem, spem et charitatem, apprehendi potest.

Perfectio namque hujus vitae non alia est quam per fidem, spem et charitatem, perfecte quae retro sunt obliisci, et in ea extendi quae ante sunt. Nam et Apostolus hoc dicit: « Quotquot, » inquit, « perfecti sumus, hoc sapiamus (*Philip. III.*). » Quicunque ergo vere querunt Deum Trinitatem, trium virtutum barum affectent in semetipsis habere trinitatem, et conformare se studeant ad earum disciplinam. Conscientia earum paradisus voluptatis est, pollens afflentia gratiarum, et castis sanctorum deliciis virtutum; ubi homo incola paradisi ipsius cum Deo conversatur; et saepe eum videt, semper ab eo videtur, saepe cum eo loquitur. Tres autem cardinales istae virtutes ubi sunt, ad aliquam similitudinem Trinitatis Dei sic sibi invicem connexae sunt et conjunctae, ut sint singulae in omnibus, et omnes in singulis; ut quod, et quantum, et quomodo, quis credit; hoc etiam, et tantum, et eo modo speret et amet: sic etiam speret, quod credit et amat; sic metu, quod credit et sperat. Fides enim noinen virtutis est, et magnae et eximiae virtutis. Sed fides quae spem et charitatem non habet, virtus non est. Sic enim et demones credunt, et homines, qui sicut demones credunt (*Jac. II*), nisi quod peiores esse videntur ipsis demonibus homines quidam, in eo quod homines nec timent, ubi demones contremiscunt (*ibid.*). Certainque esse fidem oportet, ut certa sit spes, certa charitas. Sicut enim recte credi non potest sine spe, nec sperari nisi precedente fide, sic nec alterius formae spes esse potest quam fides. Creditum quippe bonum suum spei format appetitum, cum credita bonitas crediti dat fiduciam sperandi. Ad similitudinem ergo summae Trinitatis sicut fides spem gignit, sic charitas ab utroque, hoc est a fide et spe procedit, cum non potest non amari quod creditur et speratur; et eodem utique modo amari, quo creditur et speratur. Sicut enim ibi tres personae coeterae sibi sunt et consubstantiales, ita et hic fides, spes, charitas, non tempore alia prior, alia posterior

A est, quantum ad virtutis substantiam quedammodo consubstantiales licet videantur habere secundum formam differentis affectus, quasi differentias quasdam personales. Nationalis quippe animi virtus generalis est recta ratio, cuius tot sunt species quot rationalis hominis dicuntur virtutes.

Nam et trium virtutum barum, fidei, spei et charitatis, una virtutis forma, quia tota a fide proficitur, in hac vita, in qua credimus, speramus, amamus quod non videimus, fides est, et fides nominatur: per quam hic ambulamus, quandiu a Domino peregrinamur: tota futura et dicenda charitas in futura vita, et gratia nominis et merito perfectionis; cum fide et spe non pereuntibus, sed in res suas transiuntibus, videbitur et habebitur, quod nunc creditur et speratur. Nam et in hac vita, in quantum aliquando proficitur in id ipsum summae veritatis, per affectum sentiendi de Domino in bonitate, fides et spes nonnunquam, non tam charitati conformantur, quam uniuntur: adeo ut tribus ipsis in lumine virtutis Dei proficiendo ambulantibus, licet suae unicuique maneat species proprietatis, saepe tamen in tribus non nisi una sit seu appareat facies charitatis. Ascendentibus enim de valle lacrymarum ad supernarum celsitudinem promissionum, charitas haec, seu dilectio, seu amor hic ab initio fidei inchoatur, ubi homini primitus ab infidelitatis tenebris progredienti continuo sol iste justitiae exoritur; cum non solum credi incipit et sperari quod non videtur; sed etiam diligitur in quantum creditor et speratur, quamvis in hac vita dilectionis ipsius plenitudo seu perfectio nulli prorsus, cujuscunque profectus fuerit, speranda sit, quoque illuc pervenientur ubi videntium facie ad faciem tota erit beatitudo habere quod diligetur, et omnis virtus diligere quod habebitur. Interim vero ambulantum per fidem est, eo niti, eo suspirare, ubi a fatigatione via, et tedium peregrinationis, sperant respirare. Species namque summi boni ad amorem sui et cognitionem naturaliter semper suscitat et trahit omnem rationalem intellectum, quo mundiorem, eo jam sibi propinquorem, eo ardentiorem ad videndum, quod videntur beatis mundicordibus promittitur: quod non nisi mundis cordibus videtur; ad quod videndum, non nisi fide corda mundantur. Cui suspirat, quicunque affectat diligere Dominum Deum suum ex toto corde suo, et ex tota anima sua, et ex omni mente sua; et proximum suum in quantum praevalet, adjuvat in hoc ipsum, quem diligit sicut semetipsum. Sed quandiu ex peccato primi hominis, et pena peccati ejus, in filiis carnis ejus, qui etiam sunt filii gratiae, sit quod dicit Apostolus de seipso, « Condelector, » inquiens, et legi Dei secundum interiorem hominem, video autem aliam legem in membris meis repugnantem legi mentis meae, et captivum me ducentem in legem peccati, quae est in membris meis (*Rom. VIII*); et caro concupiscit adversus spiritum, et spiritus adversus carnem (*Galat. V*): » quandiu sic est homo, valam omnibus est, quam non diligit Domi-

num Deum suum, sicut debitor est; scilicet ex toto quod homo est, quod vivit; qui toties tam multa, tam carnaliter extra Deum concupiscit. Quandiu enim hic vivitur, carnalis concupiscentia minui potest, frenari potest; extinguiri vero ut penitus non sit, non potest.

Quapropter perfecta illa dilectio quae ex toto est, quæ secundum præceptum legis Dominino Deo debetur, præcipitur in hac vita, sed nequaquam a quoquam perficitur. Præcipitur tamen, ut quo nos extendere debeamus, non ignoretur. Quæ in quantum proficit in nobis, in tantum concupiscentias carnis minui necesso est, donec ibi perficiatur, ubi extra Deum jam nulla concupiscentia est. In quo hic proficeret, per fidem ambulare est. In quo quicunque proficiens invenietur exiens de hac vita, indubitanter de eo credendum est et sperandum, perficiendum eum in futura vita. De fide autem non rectam fidem habemus; si non intelligimus fideliter ante omnia, cuius donum sit. Est autem fides res liberæ arbitrii, sed liberati a gratia. Nequaquam enim liberum potest esse arbitrium hominis venundati sub peccato, nisi liberante eo, de quo dicitur: « Si vos filii liberaveritis: tunc vere liberi eritis (Joan. viii). » Ad peccatum tantum per se liberum est: qua libertate peccant omnes, quicunque delectatione vel amore peccati peccant. Sed hac libertate servi facti sunt peccati, liberi justitiae; nullum fructum justitiae liberum habentes vel velle vel perficere, nisi liberante gratia liberari a peccato servi facti fuerint justitiae. In quo in filiis Adæ venientibus ex massa damnationis antiquæ, quem vult juste deserendo indurat debita justitia: cuius vult subveniendo miseretur indebita misericordia. Ubi offert bonam et liberam voluntatem, et accipit fidem adjutus, jactat questionem, et meretur damnationem desertus et reprobatus. Dicit enim: « Quid adhuc queritur? Voluntati enim ejus quis resistit? » (Rom. ix.) Tremat qui sperat; ubi sic audet, qui desperat. Non querat rationem, sed imploret miserationem: et ex eo qui reprobatur, nisi subveniret gratia, discat quid et ipse merebatur. Nam, sicut dicit Apostolus: « Non omnium est fides (II Thess. iii). » Quorum ergo est? « Fundamentum Dei, » ait, « stat: habens significulum hoc. Novit Dominus, qui sunt ejus: et, discedant ab iniustitate omnes qui invocant nomen Domini (II Tim. ii). » Quicunque enim ab æterno in præscientia Dei sunt præcogniti, ipsi sunt qui crediderunt, qui credunt, qui sunt credituri. Ipsi sunt, et extra eos nullus, oves Domini, oves pascuae ejus, quæ vocem ejus audiunt (Joan. i), quas nemo rapit de manu ejus; populus ejus, scientes quoniam Dominus ipse est Deus. Ipsi sunt vere credentes, veri adoratores in spiritu et veritate: ab æterno præsciti, cum non essent; prædestinati, ut aliquid essent; vocati, cum aversi essent; justificati, cum peccatores essent; glorificandi, cum immortales essent.

¶ Noti ergo et præcogniti in Dei præscientia, noti-

A fleantur etiam sibi in conscientia sua, in quantum invocant nomen Domini; et testimonium reddit Spiritus sanctus conscientiae eorum, quod sunt filii Dei; noti etiam sunt hominibus, in quantum discedunt ab iniustitate præ cæteris hominibus. Sed in magna domo non solum sunt vasa aurea et argentea, sed et lignea ac fictilia; et alia quidem sunt in honorem, alia vero in contumeliam (II Tim. ii). Quod quare sit, vel quomodo sit, arbiter est sigulus: qui habet potestatem ex eodem into facere quod vult, sive in honorem, sive in contumeliam. Nec habet super hoc respondere ligamentum sigulo, homo Deplatum plasmanti, creatura Creatori suo: qui circumfaciat omnia causa vel ratione, qua ipse novit, cum sit Dominus omnium, libere de omnibus, quod B bonum est in oculis ejus facit; et certe bonus bene omnia facit. In quo siæcum humilitas credentis certissimum est signum ovis Domini, quæ ponenda est a dextris; sic superba quaestio non credentis, signum est hædi ponendi a sinistris. Nam apud Deum nullus, nisi humili spiritu salvatur; in ostium fidei, nisi humiliato capite, nullus ingreditur. Foramen acus est fides; non potest per eam intrare camelus enornis et tortuosus, nisi ad humilitatem et simplicitatem Christi attenuatus fuerit et directus. Venit enim ad ostium fidei superbus et elatus, et dum vocatur ad credendum, invitatur ad ingrediendum, stat et disputat contra ostiarium cur, alio admisso, aliis excludatur; donec justo judicio ostiarii clauditur ei ostium, et de admissis et exclusis disceptans, ipse inter exclusos invenitur. Dicit enim ad singula quæ non capit: « Durus est hic sermo (Joan. vi); » durior ipse: et abiens et conversus retro, in eis que retro sunt ordinatur. Pauper vero spiritu, qualium est regnum Dei, cum timore et tremore salutem suam operans, nec ponens in cœlum os suum, venit ac plorat; et ut admittatur, orat; et cum admittitur, adorat; semper pavidus, ubique trepidus ad arbitrium figuli quocunque voluerit de luto suo facientis. Ingressus etiam non est securus, quandiu gravat eum sensus carnis suæ; incedens cum timore, proficiens cum amore, ardens ad intelligenda quæ videt, timens vero scrutari quæ non debet. Non ergo volentis, neque currentis, sed miserentis est Dei C (Rom ix), ei quod bene vis, o homo, et quod credis. Evidenter si non vis credere, non credis; credis autem, si vis: sed non vis, nisi a gratia præveniaris: quia nemo venit ad Filium, nisi Pater traxerit eum (Joan. vi). Quomodo? Utique creando in eo, et inspirando ei liberam voluntatem, qua libere vult id quod vult, hoc est, ut voluntatis ejus sit, quod bene vult. Deo enim inspirante fit in nobis voluntarius mentis assensus in his quæ de ipso sunt, et corde creditur ad justitiam, ore antem confessio fit ad salutem (Rom. x); et ipsa est fides. Sic ergo dictum est: Si vis credis, sed non vis, nisi a Patre traharis; et si vis, ideo utique vis, quia a Patre traheris. Ideo « vosmetipsos, » ait Apostolus, « tentate; si estis in fide, ipsi vos probate. Au non cognoscitis vosmet-

Ipsos, quia Christus in vobis est? Nisi forte reprobi estis (*Il Cor. xiii*). » Quomodo autem est Christus Jesus in nobis? Utique per bonam voluntatem, quia pax hominibus bona voluntatis: volendo scilicet, ut habitet Christus per fidem in cordibus nostris. Voluntas enim haec aliquantus jam amor Christi est, sine quo fides in Christum omnino esse non potest. Pia namque fides sine spe et charitate esse non potest. Omnimoda ergo bona voluntatis absentia signum est omnino reprobationis, et obduratae infidelitatis, sicut bona ejus conscientia testimonium est Domini fidele, quod sumus filii Dei et gratiae adoptantis. Cur enim nou credis, o infidelis? Utique quia non diligis. Non credis, quia non diligis; non diligis, quia non credis. Neque enim alterum esse potest sine altero; quia alterum pendet ex altero. Incipe diligere, hoc est, age ut volis; et incipies credere; et tantum credes, quantum voles, hoc est, quantum diliges. Voluntas enim initium amoris est. Amor siquidem vehemens voluntas est. Et amor crediti, suggerit facultatem credendi. A carnali affectione accipe similitudinem ad Patrem Deum.

Credit se homo majorum auctoritati, et quod nullo didicit experimento, patris et matris suae filium esse indubitanter tenet; quia crediti patris et matris tantum apud eum est auctoritas, ut eam nec refellere velit, quia diliguntur; nec possit, quia digni habentur in judicio diligentis, quibus absque dubitatione credendum videatur. Amplectere et tu gratiam divinæ adoptionis, fratres Dei et coheres Christi. Flecte genua tua ad Patrem Domini nostri Iesum Christi, « a quo omnis paternitas in cœlo et in terra nominatur, » ut det tibi « secundum divitias gloriae suæ, virtutem corroborari per spiritum ejus in interiori homine, habitare Christum per fidem in corde (*Ephes. iii*) » tuo, et agnosce generis tui dignitatem, ne degenerem te comprobes per incredulitatem. Nam et secundum generationem carnalem, abnegare parentes gravis naturæ injuria est. Agnosce matrem gratiam; patienter sustine ut te nutriat in sinu auctoritatis lacte simplicis historiæ, et inhia uberibus ut cito crescas. Crescere, proflcere; decrescere vero, deducere est. Nec nasci, nec crescere secundum carnem, voluntatis est; spiritualis vero nativitas et incrementa spiritualia voluntatis sunt. Voluntas vero in hoc filia gratiæ est.

Gratia generat, gratia lactat, gratia nutrit ac prœvehit, et ad perfectum usque perducit; hoc est, ut charitas, id est magna et bene affecta voluntas fiat; charitate vero operante multo dulcius omni affectu carnali et multo certius, præsto sit Spiritus ad testimonium perhibendum filiis gratiæ, quod sint filii Dei, quam natura filiis hominum, quod sint filii parentum suorum. Qui vero credit, scire debet, quid credit; quo auctore, quo docente, quod credit credit. Qui enim vere fidelis est et bona voluntatis circa fidem, nequam in eis quæ fidei sunt, quid credit eligit; sed sine omni retractatione et hæsitatione, quidquid credendum indicit divina auctoritas,

A credit. Nec novas ipse sibi fides consingendo, sapit ea, quæ quasi carnali ejus sensui magis conveniunt; sed semper ea sapere appetit, quæ vera sunt, ipsis rationem conquirens, et doctrinam coaptans; nec de eis hæsitan humana ea ratione dijudicando, sed certa habens, fide et amore inhærendo. In quo tamen sit aliquando, ut sint qui fidem habeant, qua majorem nemo habere possit; in confessione ejus parati dare animas suas, sicut Domino attestante majorem nemo charitatem habet, quam ut animam soam ponat quis pro amicis suis (*Joan. xv*): qui in credendo tamen, hoc est in cogitando ea quæ fidei sunt, caligant et laborant. Humani autem haec animi gravitas, et gravis infirmitas, et mira exercitas est. Facillimum quippe et optabile etiam sæpe multis est, B si necessitas vel occasio ingruerit, mori etiam propter fidem: quibus in credendo, hoc est de eis quæ fidei sunt cogitando, non facile est irosius fidei assequi puritatem.

Nec mirum, cum sæpe etiam promptissime moriantur propter fidem; quibus difficile nimis est vivere secundum fidem. Hinc namque est, quod cum ea quæ fidei sunt in Scripturis, seu historialiter audiuntur, seu moraliter a sanctis doctoribus traduntur, seu in mysteriis quibusque vel sacramentis tractantur, nonnunquam quidem non consentiente sensu, nonnunquam vero etiam errante consensu, a plerisque etiam fidelibus tam difficulter et tam scrupulose accipiuntur, ea quæ dicuntur. Infirmi quippe ingenii, sed infirmioris fidei homines animales, non percipientes, aut vix percipientes ea quæ Dei sunt, licet repugnante ratione fidei rationi et consuetudini humanæ; sæpe etiam nolentes, quasi infinitatem divinæ potentiarum metiuntur de infirmitate sensus humani, seu fidei suæ, quasi suggestente natura humana et sensu ejus, Deum nil posse, vel esse, vel agere, nisi quod homo de eo videtur sibi posse intelligere, sacramenta fidei, sanctorum mysteria Scripturarum figura esse humanarum adiventionum. Porro vir fidei et virtutis, quicunque ille fuerit ad vitam predestinatus, præventus a gratia, et sicut Paulus misericordiam consecutus, ut sit fidelis (*I Tim. 1*), etsi aliquando in eis quæ fidei sunt patitur aliquem carnis suæ sensum, nullum prorsus præbet assensum, sed, sicut divinæ auctoritatis fidei principium primo omni studio animi subjicit se disciplinæ fidei ejus quæ discit; deinde omni pietatis affectu ambit ad eam quæ donatur: primo ad eam quam revelat caro et sanguis; deinde ad eam quam non revelat nisi Pater qui est in cœlis: primo ad scientiam, quam nocti indicat; deinde ad verbum quod dies diei eructat: satagitque discere non solum quod creditur, sed etiam quibus contra inimicos fidei fides ipsa muniatur; quo fiat fides ipsa ubi non est, confirmetur ubi est: vitam etiam moresque coaptans, ut quod creditur, non solum credatur, sed et speretur et diligatur; et diligendo intelligatur, et intelligendo diligatur. Sic enim creditus cum Deo spiritus meretur Spiritum sanctum, gratiam gloriam, filios

intellectum et affectum pietatis, et intellectum amoris, in captivitatem redigentem omnem intellectum in obsequium Christi (*II Cor. x*), ut secundum quod scriptum est, « nisi credideritis non intelligetis (*Isai. vi*) », qui credit, amando intelligere mereatur quod credit. Sicut enim olim priusquam veniret fides, sub lege custodiebamur conclusi in eam fidem, quae revelanda erat, et lux paedagogus noster fuit in Christo Jesu, ut ex fide justificaremur (*Galat. iii*): at ubi venit fides, jam non sumus sub paedagogo, sed recepta adoptione filiorum inventi sumus filii Dei, accepto in cordibus nostris Spiritu Dei, in quo clamamus: Abba, Pater (*Rom. viii*): sic etiam in ipso tempore gratiae, priusquam splendescere incipiat in cordibus nostris illuminatio Evangelii glorie Christi, custodiri et concludi habemus sub auctoritate ejusdem Evangelii in gratiam revelandam nobis tempore illuminantis nos misericordia Dei. Sit ergo interim auctoritas paedagogus noster in Christo Jesu, ut per humilitatem credendi a gratia mereamur illuminari.

Cum enim venerit illuminans gratia, jam non sumus sub paedagogo, quia ubi fuerit Spiritus Domini, ibi libertas (*II Cor. iii*). Accepto enim Spiritu Filii Dei, efficiuntur et ipsi filii Dei; et intelligentes et sentientes nos patrem habere Deum, cum omni jam fiducia renuntiantes auctoritati, dicimus ei, quod mulieri Samaritanæ dicebant concives sui: « Quia jam non propter tuam loquelam credimus: ipsi enim audivimus, et scimus, quia hic est vere Salvator mundi (*Joan. iv*). » Interim vero dum preparatur credendo, id est in his quæ fidei sunt cogitando, intellectui locus suus agatur necesse est, ut in cogitatione detur auctoritati magnus locus. In eo ergo quod nec sensu concipi, nec ulla valeat ratione interim investigari, obedientissime cedatur et creditur divinae auctoritati, sicuti est de Salvatore humanæ dispensationis evangelica historia, et gestorum ejus, quæ eis qui tunc fuerunt, tunc facta sunt ad videntium et ad credendum quod non videbant; nobis autem credenda indicuntur, quia sic facta sint, et per ea credendum est quod et illi credebant. Sed etsi in corde ebullire incipiunt sensuum carnalium tentationes, scandala fidei, tristes hæsitationes, et quæstiones tenebrosæ, quibus non tam ex placito voluntatis, quam ex incuria neglectæ mentis, vel levitate naturalis de rationalitate servoris, fidelis etiam animus nonnunquam caligare solet; nulli melius animus regendum se credit et committit, quam divinæ auctoritati; scilicet quam divinitas in tam eminenti culmine dignitatis constituit; et quam verbo et scripto, et vita et morte sua nobis commendaverunt tot et tanti homines Dei. In qua cum pie et humiliiter acquiescitur, bene ibi et quasi in tuto requiescitur, donec per operationem sancti Spiritus ipsa, sicut dicit propheta, experientia intellectum incipiat dare auditui (*Isai. xxviii*); donec obtineat fides, ut res eius præcessit fides, credentis illucescat affectui, ut de fide Jesu Christi fiat in corde ejus et exemplum humilitatis, et incentivum amoris, et sacramentum

A redemptionis; ut, sicut dicit Apostolus, fiat ei Jesus Christus a Deo Patre justitia, sapientia, et sanctificatio et redemptio (*I Cor. i*). Etenim tunc jam bene creditur, tunc de fide digne fidei cogitatur, quamvis non jam tam cogitatur, quam agitur; quia quidquid fidei est, Spiritus sanctus in anima illa actualiter quodammodo operatur, cum affectus fidei servet in conscientia; in intellectu vero fulget illuminans gratia, et affectus boni operis resplendet in vita

Relicta vero in initio credendi auctoritate duce, necesse est perire de via justa ambulantes in sensu carnis suæ; nonnullos vero, etiam de numero fidei, sæpius offendere: qui etsi non sic offendunt ut cadant, non tamen sine aliquo viæ discrimine et sancti in fide profectus detrimento, inveniuntur pertinacire. « Dicit enim insipiens in corde suo: Non est Deus (*Psa. xiii*). » Alius vero dicit: « Quomodo scit Deus, aut si est scientia in celo (*Psal. lxxii*); » dubitans de providentia Dei. Miratur alius, si pro salute hominis vel debuit Deus homo fieri. Et multa in hunc modum. Nam etiam serventiores in religione animos, sed teneriores adhuc in fide, attenuare sæpe solent hujusmodi de fide tentationes, non occurrendo in faciem venientes, sed latenter quasi a latere insidiantes, et quasi vestem fidei a tergo velli-cando, non dicentes: « Est est, Non non (*Jac. v*); » sed forsitan et forsitan susurrantes. Forsitan, inquiunt, sic est; forsitan non est. Forsitan aliter fuit, aliter scriptum est; propter aliquid quod scriptum non est. Et respiciente rationis judicio disparent omnia, et integra quidem licet inveniatur fidei vestis, vellicata tamen sentitur et concussa. Siquidem et ratio videatur esse quæ impugnat, et ratio quæ repugnat: illa animalis et carnaliter sapiens, hæc autem spiritualiter et spiritualiter dijudicans omnia; illa quasi de inexpertis hæsitando, hæc vero auctoritati omnia subdendo: insuper ægre ferendo in aliqua sui parte aliquatenus sibi rem venire in dubium; cui ex auctoritate divina et fide non ficta, non dubium tribuit assensum. Sed quid faciat creditus cum Deo-spiritus? Legit sibi evangelica tam verba Domini quam miracula, et in omnibus veneratur et adorat veritatis sancta vestigia. Requisitus udem: « Tu es, » inquit, « Christus Filius Dei (*Matt. xvi*); » requisitus amorem: « Tu scis, » inquit, « quia amo te; et animam meam ponō pro te (*Joan. xxi*). » Et cum cuncta que fidei sunt intrepido corde credat ad justitiam, ore autem confiteatur ad salutem, ex regula auctoritatis; ab aure tamen cordis executere non potest forsitan et forsitan, susurrum temptationis, non illud dicens sibi, sed molestissime ferens ab aliquo anima-  
sue sensu dici sibi. Gemit ergo ad verba Apostoli, et nimium ipse suspectus est sibi. « Vosne ipsis, » inquit, « tentate si estis in fide; ipsi vos probate. Annon cognoscitis vos ipsis, quia Christus Jesus in vobis est, nisi forte reprobri estis? » (*II Cor. xiii*). Et alibi: « Nemo loquens in Spiritu sancto, dicit anathemæ Jesu (*I Cor. xi*). » Cui constantissime ipse subjungit: « Imo, si quis non diligit Dominum Jesum Christum, sit ana-

**thema maranatha (I Cor. xvi).** » Et tamen in omnibus A his ab occulto nescio quo conscientiae excutere non potest aculeum mortis, non quidem transpungentem, sed tamen pungentem; nonnunquam vero nec pungentem, nec tamen recedentem. Multumque veretur, ne Christus Jesus in aliqua sui parte non sit, si quid sit in aliqua parte conscientiae sue, quod contra eum sit: cum haec ipsa timoris et doloris anxietas veræ fidei manifestum argumentum sit. Non sentit hoc, nisi qui pugnat; et qui jam quod credit amat, et timet perdere quod jam tenet, qui spiritualiter examinatur: cui non sufficit communis cum multis consuetudo assentiendi, et professio constendi: qui experitus jam aliquid, incipit scire quid desit sibi. Quid autem timet in hujusmodi, quid auxiliatur, quid dolet nisi fides? Statuit ergo se contra se bono Dei; et ipse semetipsum spiritualiter examinans dicit: Quid est, o anima, in quo conturbas me? Non fides stas? Non credis? Et duo haec proponendo sibi conferens, et agens secum, de utroque sibi respondeat cor suum. Discutit utrumque quid sit, et invenit quia fides voluntarius est assensus mentis in eis quae fidei sunt; credere vero cum assensu de eis cogitare. Omnesque terminos fidei suæ circumspiciens, et puram sibi voluntatem in corde, et assensum in oris confessione, opera etiam fidei inveniens in proposito et professione usque ad martyrii et mortis necessitatem, si forte ingrueret; interim de fide bene respondet sibi. Cogitans deinde mentis suæ statum, qualis sit, cum de fide cogitat, invenit certum quidem in ea liberi arbitrii assensum in fide, aliquid tamen in cogitatione contra assensum. Id ipsum vero penes se discutiens quid sit, quod sibi velit, invenit rationem ex obedientia fidei simpliciter ire in assensum, et omissa in dubiis naturali via ratiocinandi, per viam gratiae incidentem omnia subdere auctoritati.

Cumque mens abducta a via naturæ in viam gratiae per aliam viam miratur se reduci in regionem suam, aptans tamen se ad credendum, hoc est de rebus fidei cum simplici assensu cogitandum, vim illico patitur recurrentis naturæ, et scire volens ubi suum commonet assensum, etiam contra voluntatem, ratiocinatur contra auctoritatem: licet enim simpliciter iræ, quo jubetur assentit, tamen rationem respiciens, quasi consuetam sibi viam requirit. Nam etsi possibile est rationi in cogitando de fide libramine judicii omnia subdere auctoritati, tamen rationalitati eripi non potest vis vel motus naturalis ratiocinandi. Menti siquidem ad inquisitionem veritatis naturaliter semper tendenti, sicut finis solet esse querendi, inventio ipsa veritatis, ad quam tenditur; sic via ad inveniendum solet esse ratiocinatio, qua veritas inveneritur. Cum ergo fides ei indicitur per auctoritatem, et a fine se differri videt, quem sperabat, et viam intercludi, per quam incedere soiebat, nisi quod per banc dilationem promilli sibi gaudet super eminentem scientiæ charitatem: ibi se certissime inventuram credens quod perfectum est, evacuato

B quod ex parte est, cum tamen ratiocinationi auctoritate, et fidem interim scientiæ jubetur anteponere, tanquam certitudini opinionem, et sapientiæ hujus mundi stultum Dei: haesitat nonnunquam et palpitat, sed non usque ad contradictionem; quia non tam ratio voluntatem, quam voluntas trahere videtur rationem ad fidem. Sicque agitur, donec, illuminante gratia, incipiat aliquando boni sui fides capere intellectum, spes appetitum, charitas sensum. Interim vero fiunt haec in homine ad manifestacionem infirmitati sue, ut ostendat et ipse se sibi; simul etiam ut peccato vitiosa natura et nimis prona in sensum carnis sue a servitute carnis liberetur, et, operante Spiritu sancto, per exercitia pietatis pauperrim cogitandis spiritualibus rebus et divinis conformetur. Magni quippe exercitii est, nec sine magno auxilio gratiae Dei effici potest, non accepta ratione, absque haesitatione, quod credendum indicatur, credere et amare, et amore crediti ipsum credere amare: in tantum ut magnitudo amoris tollat scrupulum suspicionis, cum in fide etiam certa, sicut certa esse potest fides, quandiu fides est, non possit esse cognitio certa; nec alia, quam de qua Apostolus dicit: « Nunc cognosco ex parte (I Cor. xiii). » In quo qui non recipit disciplinam, perit cito de via gratiae, et reducitur in viam corruptæ naturæ, et efficitur animalis, qui non percipit ea quae Dei sunt, et incipit male credere, id est de fide male cogitare. Cuius cogitationibus, cum admiscet se is qui tentat, auferit nonnunquam etiam fidem de corde ejus, et abit retro, et fiunt novissima hominis illius pejora prioribus. Fidem etenim in servo Dei ad vexandum vel cribrandum, vel etiam, si potest, ad perimendum, maxime impedit inimicus; quia non ignotum habet, devotam Deo conscientiam in nullo se periculosius dejicere, vel gravius contristare, quam in eo quod faciei Dei faciem ejus conciliat; in quo viam ad Deum habet devotio servi sui, et viam ad cor hominis consolatio vel gratia Domini Dei sui; ex quo incentivum ei sit omnium bonorum suorum; in quo ei est consolatio unica laborum ac dolorum suorum.

D Primus siquidem accessus ad Deum est fides, dicente Apostolo: « Accedentes ad Deum credere oportet, quia est; et inquirentibus se remuneratur sit (Hebr. xi). » Fides enim radix est omnium virtutum, et fundamentum bonorum operum. Nec virtus est, quae non est ex fide; nec ædificatio sed ruina, extra fidei fundamentum. Propter quo, antiqui serpentis malitia primo hanc radicem inlucere; primo hoc fundamentum semper aggreditur labefactare, agens, si potest, ut fides vel omnino non sit, vel imperfecta sit, vel ut obscuretur in ea sensus gratiae illuminantis, vel subducatur ei adeps pinguediis spiritualis. Ideo blasphemus ille coluber etiam nunc paradiso Dei non timet irrepere, fidelium mentes attentare, insibilare blasphemias, varias in fide suspiciones incantare. Sed qui jam in fide proficit, sciat noxium ejus caput, semper melius despiciendo,

esse conterendum, quam ad singula ei respondendo ipsa consuetudine colloquiū improbae malitiae robur addendū; quia non effugiet contagium veneni mortiferi, si non venenati oris pestiferum a se penitus removerit afflictum. Sunt etenim duæ in homine tentationes, seu vitia ex pœna peccati ipsi concreta naturæ, concupiscentia carnis, blasphemia Spiritus, ex quo primo primis parentibus generis humani inhibita est a serpente veiti cibi concupiscentia, et blasphemia in Deum, dicente illo ad mulierem: « Cur precepit vobis Deus ne comederetis de ligno, quod est in medio paradisi? Sciebat enim, quia qua die comederitis, eritis sicut dii (Gen. iii). » His enim verbis et credenti mulieri, Deum in hominem fuisse invidum, facile persuasum est; et mulier per serpentem, et vir per mulierem ad divini præcepti transgressionem per concupiscentiam cibi veiti impulsus est. In quibus cum tota tunc esset, tota peccavit humana natura. Et idecirco ex tunc concupiscente carne adversus spiritum, et spiritu adversus carnem, factus est impotens sui homo venundatus sub peccato, concupiscens saepe quæ non vult, et cogitans etiam saepe de Deo, quæ non vult; maxime in centoribus malorum horum spiritu blasphemia et spiritu fornicationis imminentibus. Fornicatio vero et blasphemia inter omnes temptationum pestes hoc insigne mali habere videantur, ut rationis tantum judicio, et cogitationis exercitio reluctantibus fortius obluctentur et immiment, facilius vel effugiantur a fugientibus, vel a contemnentibus superentur. Unde Apostolus: « Fugite, ait, fornicationem (I Cor. vi). » Fugienda enim est, vel contemnenda omnis omnino ejus memoria, uti ne saltem sub occasione reluctantis polluantur conscientia recordantis, cum ad cogitatus vel levissimi contactum statim moveatur naturalis ille carnis pruritus. De blasphemia vero tentanti diabolo ac dicenti: « Hæc omnia tibi dabo, si procidens adoraveris me (Matth. iv), » nonnisi scutum veritatis vel auctoritatis doctor veritatis opposuit, dicens: « Scriptum est: Dominum Deum tuum adorabis, et illi soli servies (ibid.). » Sed et in libro Regum cum blasphemarent Dominum pueri regis Assyriorum, mandavit suis Ezechias, dicens: « Ne respondeatis eis (I Reg. xviii). »

Non enim respondentum est aliquatenus spiritui blasphemiae, vel colloquendum cum eo, sed tantum scutum ei fidei opponendum: cuius virulenta malitia quidquid attuleris, polluere nititur; nec agit ut respondendo ei satisfiat: ad hoc tantum ambit, ut vel contristet conscientiam credentis, vel corrumpt in aliquo fidei puritatē.

Geminorum vero malorum horum alterum stimulus carnis est, alterum animæ; utrumque circa de-sides quasi naturale commonitorium, ab eo, sicut dictum est, trahens originem, qui ex incantatione colubri antiqui esse sicut Deus concupivit; statimque traditus in concupiscentiam carnis sue, semetipsum erubuit, tegens eas corporis partes quas tegmine non egentes bene creaverat qui creavit. Utrique ta-

A men vitio suum adhibendum est antidotum. Non enim omnibus membris una convenit medicina. Non sanat pedem, quod sanat caput; non vitia carnis, quod vitia animæ. Tentatio enim carnis afflictiones carnis requirit, et corporales labores; tentatio vero animæ, orationis, lectionis, meditationis, exposcit auxilium; et si quis sunt alia studi spiritualis. Præcipue autem fidei puritatem non assequitur, nisi vera et profunda humilitas cordis, et devotione pia, et per vigilis instantia orationis. Orandum ergo srpe est, ac dicendum: « Domine, auge nobis fidem (Luc. xvii). » Nam saepe etiam qui in ea proficit, si non habent adjuvantem gratiam, molestam patitur naturam. Rationalitas enim, sicut dictum est, in scipsa inquieta et improba, ubi ratiocinandi habet facultatem, fidem saepius aggreditur, etsi non studio contradicendi; non ut illi velit occurrere sed quasi illam sibi occurrere. Nam sicut soletagere in rebus humanis humana ratio, quasi per medianam credendi necessitatem irrumperet nittitur in rerum divinarum cognitionem: sed tanquam aliunde ascendens, offendit, impingit, labitur, donec revertatur ad ostium fidei; ad eum qui dixit, « Ego sum ostium (Joan. x) : » et humiliata sub jugo divinæ auctoritatis, quanto humilius, tanto securius ingrediator. Sed in aliis non sentit temptationem negligentiae magnitudo, in aliis rationis hebetudo. In aliis illuminatæ fidei concepta certitudo.

Negligenti enim et hebeti sufficit interim fides a carne et sanguine revelata, nec tentatur, quia nec spiritualiter examinatur; quando sufficit ei vel consuetudo assentiendi, vel professio constendi, ne-scienti utique quid sit fides: quod si sciret, daret certe operam intelligere quod credit. Altera siquidem est fides, quam revelat caro et sanguis; altera, quam revelat Pater qui est in cœlis. Altera, et non altera. Eadem fides, sed alter affectus. Illa docet quid sit credendum; ista fidei suum suggerit intellectum, et plenam intellectus etymologiam, cum qui credit intus in affectu cordis legit quod credit. Illa paedagogus est, tutor vel auctor humanæ infirmitatis; ista vero ipsa est hereditas et perfectio libertatis. Illa vero tolerat negligentes, nec excludit hebetes, formam omnibus præferens veritatis; ista non suscipit nisi spiritu serventes, Domino serviennes, habentes illuminatos oculos cordis. Non antea hebetes hos dicimus, simplices filios Dei, cum quibus crebro ejus sermocinatio sit: quorum proprium est meritam et singularis gratia, qui fidem accipere merentur revelante Deo; non eam solam quam revelat caro et sanguis, sed illam etiam quam revelat Pater qui est in cœlis: dociles Dei et absque omni verborum, sive cogitationum disceptantium strepitu a sancto Spiritu discentes: ad quod docendum, si non adit ipse Spiritus et docenti et discenti, deliciunt perstrepenes rationum ratiocinationes. Hujusmodi enim non negligentes, sed simpliciter et singulariter strenui sunt in fide et prudentes: nec in silentio suo hebetes aestimandi sunt, sed in eo quod accepterunt singulariter sapientes: quia sentiunt de Do-

mino in bonitate, et sentiunt sensu amoris quidquid de Deo credunt; et sapit eis quod sentiunt: et ubi lassescunt et deficiunt ratiocinationes, ipsi currunt; et quia ambulant simpliciter, ambulant confidenter. Non enim in curribus ingeniorum suorum, vel in equis fiduciae humanæ, sed in nomine Domini. Non in literatura: in potentissimis Domini, et in justitia ejus solius. Nihil enim dijudicantes in fide, nihil discernentes, omne rationis sue judicium Spiritu sancto jugiter illuminandum offerentes, et dirigeentes omnem suum sensum in fidei assensum; spirituales ejus fructus dulciter capiunt et confidenter. Sentiuntque de Domino in bonitate (*Sap.* i), quia simplicitate cordis querunt illum; et inveniunt ab his, quia non tentant illum; appareat autem eis, quoniam fidem habent in illum; impleturque in eis quod pro discipulis Patrem orans dicit Dominus Jesus Christus. « Et hi cognoverunt vere, quia a te exivi. (*Joan.* xviii). » Quomodo cognoverunt? Sequitur. « Et crediderunt, quia tu me misisti. » Utique ideo cognoverunt vere, quia crediderunt vere. Hebetes vero sunt circa fidem alii, qui naturaliter nec intelligunt, nec intelligere possunt: alii quos ad intelligendum facilitati comparanda dignum piget operam dare, cum possint. Nequaquam vero simplicem simpliciter credente extollimus, quasi ad depressionem spiritualis examinatōris: qui si non sit scrutator maiestatis, sed simulacrum pietatis, et imitator simplicitatis, temptationum laqueos non solum ille sus evadit, sed etiam magnifice in eis eruditus proficit. Quorum alia gratia est.

Aliud enim est habere simplicem fidem, et fructus ejus simpliciter in corde capere suavitatem: aliud intelligere quod creditur, et paratu esse semper ad reddeendum de fide ratiōnem. Simplex fides sapit, sed nou lucet; et est a temptationibus remotior. Haec autem etiā nonnunquam cum labore sapit, lucet tamen, et est contra temptationes tutior. Licet enim pedetentim in fide proficiat, habitantem per fidem geras in corde Christum, quæcumque fidei sunt, certa tenet scientia acclamante conscientia, et eam fidem firmissimo sovet amplexu quam ei revelavit caro et sanguis, et ad eam suspirat, et cum ei datur, suaviter in ea respirat, quam revelat Pater qui est in celis. Et licet sancte simplicitatis compendio saepe a simplici prævenitur, ipse tamen a fonte gratiæ, qui omnibus patet, non repellitur. Aliquando enim de maledictione Adæ in doloribus laborans sibi, in spinis et tribulis terræ suæ, in temptationibus corruptæ naturæ suæ, in sudore vultus sui vescitur pane suo; aliquando dum nescit, sicut Jacob invenit benedictiones Domini in agro cordis sui. Non enim inanis esse potest labor exercitiū spiritualis in fide fideliter expensus: nec dolor dilationis suo potest defraudari præmio pietati impensis. Sæpe enim adeſt fidei laboranti illuminans gratia; et sic quasi in transpuncto infert ei invisibilium cognitionem et spem, et in cognitione et spe amorem, ut sine ullo temporis intervallo et sensus distinctione, continuo et amor ex fide, spe mediante,

A per cognitionem oriatur, et fides itidem in amore per cognitionem solidetur: intantum ut, sicut jam supra dictum est, fidei cognitione, et spes, et amor, licet intelligantur tria quædam in ipsa fide dividua, in virtute tamen fidei ipsius quodam conjunctionis argumento ex tribus una fiat, in sensu credentis, sperandarum rerum substantia individua, cum quod creditur credendo etiam cognoscitur; quod vero cognoscitur, ex cognitione boni sui speratur; et speratum et cognitum amat. Quod de fide, spe, et charitate, semper debet esse fidei animæ in fide, tamen, ipsi non semper esse possit in intellectu. Iste enim speciales sunt animæ virtutes, in quibus robur ejus omne consistit. Ilæc ossa, de quibus crebrius Psalmista commemorat: que « custodit Dominus in sanctis suis (*Psalm.* xxxix). » Quæ cum ad invicem conjunguntur sit ex eis unum os, quod non conteretur (*Exod.* xii; *Num.* ix; *Joan.* xix). » Ilæc est perfectio fidei in hac vita, de quo alibi dicit: « Non est occultatum os meum a te, quod fecisti in occulo (*Psalm.* cxxxviii). » Divisa vero ab invicem facile conturbantur, et animam conturbant valde; et vel confringuntur, et exprobant nobis inimici nostri: vel dissipantur, et secus infernum nos constituunt. Quibus cum adhærent carnes, id est cæteræ animæ affectiones; et ipsæ ab ossibus robur, et ossa ab eis trahunt salubris succum pinguedinis; et sit encrasio, id est bona complexio animæ. Si vero solvuntur ab invicem, et carnes defluentes in semetipsis tabescunt, et morientia ossa, fides sine operibus, spes sine consolatione dilationis, charitas sine dulcedine pietatis, in semetipsis sicut crenum arescunt. Cum ergo carnes ossibus adhærent, bene et cum ossibus, et cum carnis agitur, quia et carnes ex ossium robore solidantur, et ossa a carnis nutritiuntur. Quod si os carni adhæret, sicut quodam loco idem propheta deplorat dicens, « Adhæsit os meum carni meæ (*Psalm.* ci); » mollescit in carnem, et totum caro fit. Hoc est, si fidei conformantur affectiones animæ, homo ille spiritu vivit, spiritu et ambulat, et quasi lotus spiritus est; si vero spirituales ille virtutes resolvuntur in affectiones carnales, totum caro fit, et dicitur de illo homine, « Non permanebit spiritus meus in homine isto.

D quia caro est (*Genes.* vi).

Nutrienda ergo est suis alimentis fides, spirituali huic examinatori, et ante omnia spiritu humilitatis Deo afficienda, donec pia devotioni apparere incipiatur ipsa speratarum substantia rerum: ut fervor naturalis rationalitatis, sicut jam dictum est, operante gratia vertatur in fervorem amoris, et opportuna ratiocinatio efficiatur pia contemplatio, scientia inventi, gaudium fruendi. Interim vero dum exercetur, dum eruditur natura, et docetur quid valeat sine gratia, et si ratione rationalitatis fervorem naturalem, ne usque ad contradictionem ebulliat, cohibemus, ut tamen non serveat quod servet, vix efficimus, ut scientia naturalis appetitus scrupulose aliquatenus non suspiciat ad credendum, quo attin-

gere ei non habet sensu aliquo vel rationis vel corporis ad discutiendum. Sed ne timeas, serve Dei; non moveantur pedes tui, non effundantur gressus. In fidibus signa pertinet; hæsitantes sapientiam requirunt. Tu vero amplectere Christum crucifixum, prædestinatis ad ruinam scandalum, sapientibus in oculis suis stultitiam, sed vocatis omnibus et justificandis, Dei sapientiam, et Dei virtutem; quia quod stultum est Dei, sapientius, et quod infirmum, fortius est omnibus hominibus (*1 Cor. 1*). Si sensum carnis consulis, stultum videtur et infirmum: si autem cum Apostolo sensum Christi habueris, intelliges Verbum Dei summam esse sapientiam, sed stultitiam hujus sapientiae esse carnem Verbi; ut quia carnales quicunque per carnis prudenteriam pertingere non valebant ad sapientiam Dei, per stultitiam prædicationis et fidei simplicitatem, id est per carnem Verbi, sanentur. Stultus esto, ut sapiens sis, et illuminabitur tibi dispensatio sacramenti abeconditi a sanctis in Deo, qui omnia creavit, infirmare ad infirmum Dei, et disces quam sit superueniens magnitudo virtutis ejus in nos qui credimus, secundum operationem potentiae virtutis ejus.

Nec terreat animum fidem momentanea et ptervolans trepidatio in credendo, cui de fide non deest bona conscientia, et conscientia Spiritus sancti testimonium, si etiam sub examinatione martyrii facta fuerit interrogatio. O fidelis anima, non te damnat ingens natura, sed stupet ad insolita: non detrectans, aliquid scire appetens. Vide matrem Domini, speciale fidei signum. Accepto bono nuntio salutis nostræ, et conceptionis suæ, et pignore sancti Spiritus, certissime matrem Domini saturam te credens, aliquid tamen, id est mysterii hujus adimplendi modum, scire voluit dicens. « Qnomodo fieri istud, quoniam virum non cognosco? » (*Luc. 1*.) Nem fide tenebat; modum scire desiderabat. Rem amplectebatur anima fidelis, confortante eam ipsa gratia qua erat plena, sed modum quo id fieret mirabatur stupens natura. Sentiebat squalidem iam in seipso singulariter operantem Spiritum sanctum, sed mirabilia quæ credebat nesciebat eum in carne sua sine auxilio carnis operaturum. Cui angelus. « Spiritus, inquit, sanctus superveniet in te, et D virtus Altissimi obumbrabit tibi (*ibid.*). » Ac si diceret: Digitus Dei est hic. Sic de spirituali regeneratione baptismi, modum ejus sciscenti Nicodemus Dominus respondit: « Spiritus ubi vult spiritus, et vocem ejus audis, et nescis unde veniat, aut quo vadat. Sic est omnis qui natus est ex spiritu (*Joan. 3*). » De sacramento quoque corporis et sanguinis sui scandalizatis, « Spiritus est, inquit, qui vivificat: caro autem non prodest quidquam (*Joan. 6*). » Omnia enim hæc operantur unus atque idem Spiritus, sicut vult; constituentes sacramenta fidei, alia ut sint sacræ rei signa corporalia et visibilia, sicut in baptismio, sicut in sacramento corporis et sanguinis Domini; alia ut sint tantum sacra recon-

A dita spirituali intellectu ipso Spiritu sancto præducere investiganda; de quibus dicit Apostolus. « Ut notum faceret nobis sacramentum voluntatis sue (*Ephes. 1*). » Occultum enim voluntatis Dei et altissimum est, et omnium sacramentorum sacramentum; quod notum facit secundum bonum placitum suum, quibus vult, et sicut vult: quod sicut divinum est, sic modo quodam divino revelat ei qui donante ipso dignus est. Quin potius non divinum, sed Deus est, quia ipse est Spiritus sanctus, qui substantialis Dei voluntas est. Hæc enim est voluntas Dei, qua facit omnia quæ vult Deus, de quo scriptum est. « Omnia quæcumque voluit Dominus fecit (*Psal. cxxxiv*). » Ipse ergo Spiritus sanctus, ei cui se infundit, ipsa Dei voluntas ei in quo sit innotescit; nec innotescit alibi quam ubi sit. Nam etsi a charitate luminis et veritatis ejus abscondere se non potest oculus humanae rationis, non tamen nisi qui eam facit, et in quo sit, volendo scilicet, quod vult Deus, particeps potest esse ejus suavitatis. Sicut enim non sentit, nisi qui vivit, quia non nisi viventis vita est quæ sentit; sic illam nemo scit in quo non sit, quamvis non omnes eam sciant vel sentiant in quibus sit, sicut in infanticibus et idiotis.

C Sicut enim multi habentes animam nesciunt quid sit anima, sic multi habentes gratiam nesciunt eam. Et vero quem sibi afficit, revelat exteriora sacramenta cum omnibus res sacramentorum sua in eo operatur significativa. Ipse enim ea sacrat Spiritus sanctus, ut sint tantæ rei sacramenta: ipse ea revealing, fidei conscientiae commendat, in qua rei ipsam operatur occulta gratia. Omnibus enim interioribus nostris interior Deus, in exterioribus nostris, hoc est in sensibus corporis exteriora nobis creditis sacramenta, per quæ interiora nostra ad sua intro. duceret interiora, per corporalium sacramentorum operationem paulatim suscitans in nobis gratiam spiritualem: qui etiam ad hoc inclinaverat se ad consortium humanitatis nostræ, ut participes nos efficeret divinitatis suæ.

Ideo jubente salutis nostræ auctore in aqua baptissimi caro lavatur exteriorius, interiorius vero Spiritus sancto operante anima purificatur; et sic in fide filii hominis et Filii Dei justificati homines peccatores efficiuntur filii Dei. Corporalem etiam, sed incorruptibilem cibum corporis et sanguinis Domini manducat homo fidelis corporaliter, sed incorruptibiliter; intantum corporaliter nobis congruentem, quantum incorruptibiliter nos levantem; intantum intellectualis rationis sensum Deo conformantem, inquantum gusto amoris illuminati Deo uniente. Temporalibus enim assueti, temporalibus sumus purgandi; nec purgati merebimur æternorum contemplationem, nisi purgandi temporalibus adhibuerimus fidem. Temporalia vero hæc et transitoria sunt, et tamen per primitias Spiritus preferunt primitias æternorum: et utrique congruant, et primitenti fidei, et implendæ veritati, et mortalitati nostræ, et æternitati futuræ. Quod potissimum in per-

sous mediaturis elucet nobis, qui in seipso manens Deus æternus, in tempore est homo factus, ut per temporalem et æternum a temporalibus ad æterna transeamus. Ideo, sicut dictum est, corpus Domini manducamus, et sanguinem bibimus corporaliter, sed refescimur spiritualiter; corporaliter in baptismo lavamur, sed spiritualiter purificamur. Si enim quibusdam Christianæ pietatis rudimentis paulatim erudiendus erat fidei nostræ assensus: in quo eum nou tentamus Dominum Deum nostrum, sed simpliciter et fideliter credimus cum eo spiritum nostrum, et ipse incipit nobis credere seipsum, ut jam non simus de illis, de quibus legitur in Evangelio, quia credebant in Jesum, ipse vero non se credebat eis (Joan. vii): abusive quippe dictum de illis est, quia credebant in eum, quem non diligebant. Credere enim in eum, amando in eum ire est. Illi vero Christum eum esse credebant, sed non sicut Christum diligebant. Nec ipse eis se credebat quorum interioribus oculis iudicio quo noverat ipse, in ea forma, in qua nequam potest non diligi a quibus potest videri, non apparabat. Primo ergo in rebus Dei absque omni retractatione vel hæsitatione, simplicem et purum debemus fidei assensum: deinde ad intelligenda quæ credimus cum omni observatione et obedientia mandatorum Dei credere debemus Spiritui sancto totum spiritum nostrum et intellectum; non tam ambientis conatu rationis, quam affectu pii ac simplicis amoris. Sicque plus studiis humillimæ pietatis, quam viribus potentis ingenii, promerebinur, ut incipiat se credere nobis Jesus, cum illuminante gratia intellectum rationis, fidei assensus efficietur amoris sensus; qui ad sacramentum cognoscendum internæ Dei voluntatis, jani non habeat opus exterioribus sacramentis. Quorundam tamen sacrosancta religione quandiu hic vivitur, religantur exteriora nostra, et per ea interiora nostra, ne in aliena diffundant; propter quod et religio a religando nomen accepit.

Nam in corpore positi corporalibus sacramentorum formis cohibendi eramus et continendi, et corporalium sacramentorum corporalibus formis ex obedientia instituentis sapientiae Dei commonenendi; et ad interiorem eorum gratiam, et significata interiora, exterioribus eorum significationibus revocandi. Agroti quippe sumus, de corruptione naturæ languentes, et sanitatem desiderare debemus. Agritudo nostra mutabilitas nostræ mortalitatis est; medicina qua hinc illuc transitur, mediatoris est. Fides autem maximæ est rerum temporaliter pro nobis gestarum, per quam corda nostra mundantur, ut ad æterna non credenda, sed intelligenda, idonea inveniantur. In qua si fideliter nos agimus, et fides meretur veritatem: et mutabilitas transit ad creditæ rei incommutabilem æternitatem. Hic ergo quandiu purgatur, suam sacramentis rerum reddamus reverentiam, ipsis vero rebus fidem, ut his purgati et adjuti proficiamus ad ea, quibus et res

A gestæ servierunt, et sacramenta earum servivunt, et fides ipsa ad æternoru[m] scilicet contemplationem. Porro immunda anima, impura conscientia, superbus animus, curiosa jactantia, merito ab inquisitione divinorum sacramentorum vel mysteriorum arcetur quia Spiritus disciplinæ effugiet sicutum, nec habitabit in corpore subditio peccatis, et in malivolam animam non introibit sapientia (Sap. i.) Humilis autem pietas, fidelis amor, et pura conscientia, simplices filii Dei et pauperes spiritu, et cum reverenter fugiunt, provocantur a Spiritu sancto; et quodammodo attrahuntur ad hæc requirenda. Amant etenim, et ideo querunt cum querunt; et ut amplius ament, querunt. Tu ergo, o fidelis anima, cum in fide tua naturæ trepidanti ingeneruntur occultiora mysteria; audie et dic, non studio occurrendi, sed amore sequendi. Quomodo fiunt ista? Quæstio tua, oratio tua sit, amor sit, pietas sit, et humile desiderium; non in sublimibus scrutans Dei majestatem, sed in salutaribus Dei salutarium nostrorum querens salutem: et respondebat tibi magni consilii angelus. Cum venerit Paracletus, quem ego mittam vobis a Patre; ille suggesteret vobis omnia, et docebit vos omnem veritatem (Joan. xiv.) Nemo enim scit, quæ sunt hominum, nisi spiritus hominis qui in ipso est; ita et quæ sunt Dei, nemo cognovit, nisi Spiritus Dei (I Cor. ii.) Festina ergo particeps esse Spiritus sancti. Adest cum invocatur; nec nisi jam adsit, invocatur. Cumque invocatus venit, in abundantia venit benedictionis Dei. Fluminis impetus est, laetificans civitatem Dei. Et cum venerit, si te invenerit humilem et quietum, et trementem sermones Dei, requiescat super te; et revelabit tibi, quod auferat Deus Pater a sapientibus et prudentibus hujus sæculi; et illucescere tibi incipient ea quæ potuit sapientia discipulis in terra dicere; sed illi non poterant portare, donec veniret Spiritus veritatis, qui doceret eos omnem veritatem. In qua percipienda vel discenda, frustra hoc exspectatur ab ore cuiusvis hominis, quod percipi non potuit, vel dici, ex lingua ipsius veritatis. Sicut enim ipsa Veritas dicit « Spiritus est Deus (Joan. iv.) »

Et sicut necesse est eos qui adorant eum, in spiritu et veritate adorare; sic scire eum vel cognoscere desiderantibus, non nisi in Spiritu sancto intellectum fidei, et puræ ac nudæ illius veritatis sensum expedit querere. In tenebris enim et ignorantia vitæ hujus, pauperibus spiritu ipse est lumen illuminans; ipse trahens charitas; ipse afficiens suavitatem; ipse hominis ad Deum accessus; ipse amoris amantis; ipse devotione; ipse pietas. Ipse ex fide in fidem revelat fidelibus Dei justitiam; cum pro gratia dat gratiam, pro fide auditus fidem illuminatam. Sunt, ait Apostolus, quidam et formam quidem pietatis habentes; virtutem vero abnegantes. (II Tim. iii.) Forma quidem fidei, quæ verbis et ecclesiastice disciplinæ institutis tradi potest hominibus ab hominibus, in assensu bonæ voluntatis

præsto est omnibus hominibus: cum adhuc videt in speculo et in ænigmate, et in imagine pertransit homo; in speculo, a quo erudimur; et in obscuriore ænigmate, in quo exercemur; et in simplici et evidenti imagine, in qua dulciss afficiuntur: ipsa vero pietas, ipsa veritas, non nisi a Spiritu sancto traditur aut docetur; nec nisi digito Dei menti inscribitur. Credo ergo indubitanter sanctam Trinitatem, Patrem, et Filium et Spiritum sanctum, unius substantiæ, inseparabili æqualitate divinam habere unitatem: ideoque, non tres esse deos, sed unum Deum; Deum autem factum hominem pro nobis ad sanandum superbiam nostram tumorem summum medicamentum, ad redemptionem nostram et solvenda peccata nostra altum sacramentum, fecisse miracula, et a mortuis surrexisse. Si scis quid sit omnipotens, crede de omnipotente, quia potuit; si sapis quid sit summi bonum, summa bonitas, ubi tanta fuit necessitas perditorum, crede de summo bono, quia voluit: si potes cogitare, quid in mundo egerit humiliata divinitas, senti de Domino in bonitate, quomodo Deum suum hoc opus decuit. Primo, cum in causa salutis humanæ Pater Filio, vel ipse sibi Filius non pepercit, in forma sua summum bonum mundo innotuit, et Deum diligere sicut diligendus est, hominem perdocuit. Diligens enim hominem quodammodo usque ad contemptum sui, docuit hominem Deum diligere usque ad contemptum sui, qui nesciebat miser diligere nisi semetipsum etiam usque ad contemptum Dei. Et hæc est pietas, hic est proprius Dei cultus, quo a creatura sua colendus est Deus. Hæc est sapientia, quam attulit in mundum summa sapientia, creans in ea tot gloriosos martyres, tot seculi suique perfectos contemptores. Hæc est enim sapientia Dei, qua sapit Deus sapiens; viventi de spiritu vita ejus usque ad sensum amoris ejus; amanti usque ad imitationem similitudinis ejus; in temporalibus sentienti in se ipso, quod et in Christo Iesu domino nostro; in æternis vero et ad Deum, eum habenti sensum, de quo dicit quidam sapiens: « Scire enim te, sensus est consummatus (Sap. vi). » Proprie enim in forma mediatoris resplendet antiqua illa sapientiæ diffinitio, qua determinatur rerum humarum divinarumque cognitio, ut intelligatur, vel potius sentiatur, sicut jam supradictum est, usque ad saporem amandi, ad affectum imitandi: « Cum in forma Dei esset, non rapinam arbitratus æqualem se esse Deo, » Dominus noster Jesus Christus; cum humiliavit « semetipsum formam servi accipiens, usque ad mortem crucis » (Philip. ii): quis, quid, pro quibus fecit. In quo summae sapientiae commemorando, intelligendo, et amando, conformis factus, sapiens Dei, ex ea quamdam deducit sapientiam Deum colendi sicut Deum: qua etiam vitam, mores, actusque suos, et omnia sua, divino quodam sapore condit ad omnes homines, et oleo quodam lætitiantis gratiæ affinit, ut videntes homines bona opera ejus, glorificant Patrem, qui in cœlis est, ha-

A bens gratiam ad amicos, patientiam cum benignitate ad inimicos, ad quoscunque potest beneficentiam, ad omnes omnino homines benevolentiam, et legem illam naturalem, qua nemini facere vult, quod sibi fieri noluerit, omnibusque facere vult, inquantum potest, quæcumque ab aliis sibi vult fieri.

Rursumque ex hac sapientia scientiam, quam servat in sapiente suo summa sapientia, non eam, quæ vana bujus mundi sectatur; sed quæ servit fidei, in qua stamus, et gloriamur in spe gloriae filiorum Dei. Scientia vero hæc modus quidam est vel habitus mentis, ad suscipienda ea, quæ proprie fidei sunt; eas scilicet res quæ sensibilater menu inferuntur per sensus suos, sive alienos, vel sui sentientis, vel alterius narrantis sive scriptoris, sicut sunt facta Domini temporalia, historica cognitione illata; nativitas eius, passio, resurrectio, ascensio ejus, patrata inter homines miracula. Quorum cognitionem non invenit ratio hominis penes se, sicut invenit divina quælibet et æterna: sed quolibet genere disseendi suscipit, seu videndo, seu audiendo, seu legendo, quasi aliiinde adventitia. Menti siquidem ad æternitatem creatæ, ut ejus per intelligentiam sit capax, per fruitionem particeps, quali naturali quadam affinitate conjuncta videntur, quæ æterna sunt ac divina, intantum, ut etsi stolidior facta forte fuerit ex virtute, nunquam tamen eorum privetur appetitu. Nam etsi invisibilis forte cogitare non poterit, sic tamen eorum cognitionis rationis humanae concreta est, ut a boni et pulchri, beatitudinis et immutabilitatis amore seu delectatione nequam aliquando recedat, nisi cum in appetitu, vel amore boni, falso bono decipitur. In quibus tamen sibi natura appetitum ex gratia creante, non tamen ea perfecte dignoscit, nisi ex gratia illuminante; nec apprebendit, nisi Deo donante.

Cum ergo reminiscitur qui convertitur ad Dominum, facile invenit quod notum est Dei, insidens naturaliter menti sue vel rationi. Quæ vero temporalia temporaliter discuntur, et quasi ad uitia aliunde per sensus inferuntur, non ea facilitate adhaerent menti, donec fide proficiente, et gratia illuminante, scientia temporalium transformetur in sapientiam æternorum, et res temporis induant gratiam æternitatis, cum Christus Jesus incipit iam non secundum carnem agnoscere, et secundum ipsum facta ejus intelligi, et opera estimari. Nam secundum Prophetam qui dicit: « Annuntiaverunt opera Dei, et facta ejus intellexerunt (Psal. lxiii), » non est magnum annuntiari opera Dei, si facta ejus non intelliguntur. Omnia enim facta Verbi verba nostra sunt, in quibus nobis loquitur, semetipsum indicans nobis in factis suis bene intellectis. Intelliguntur autem non solum per mysticas interpretationes in cogitatione vel sermone scientie, sed multo dulcius et efficacius per pii affectiones amoris in meditatione vel sermone sapientie. Hinc est, quod dicit Apostolus, alii dari per Spiritum sermonem sapien-

ties; alii sermonem scientiae (*I Cor. xii*). Interim vero donec formetur Christus in nobis, fides, quia scientiae res est, quasi naturaliter scire appetit, quidquid ei credendum indicitur, et cum non potest, turbatur. Scientia vero hoc, sive modus suscipiendi ea quae fidei sunt, hic est ordinante cum summa sapientia in suscipientis conscientia. Primo ex obedientia Domini dicentis: « Qui crediderit, salvis erit; qui vero non crediderit, condemnabitur (*Marc. xvi*), » rebus, sicut jam dictum est, extrinsecus venientibus ex precipientis obedientia per simplicem assensum quasi hospitalis gratia non negatur. Deinde vero per bona voluntatis familiaritatem, quasi ius civile et socialis vite consortium, in communione ejusdem paucis atque ejusdem calicis suscipiuntur. Postmodum vero quasi per mutua communia junguntur affectus; cum ex sensibiliibus intellectis intelligibilia, et ex intelligibiliibus commendantur sensibilia, cum quasi invicem conferunt sibi, de quibus abundant; temporalibus Deum commendantibus, et intelligibilem facientibus omnipotentem Dei bonitatem: bonitate vero et potentia Domini astruentibus temporalium fidem; quia bonus et potens voluit, et potens potuit facere pro salute humana, quod vix credere sufficit natura humana. Invisibilia enim Dei in hoc maxime per ea quae facta sunt intellecta conspiciuntur (*Rom. ii*), cum bene credita temporalis dispensatio Mediatrix per fidem, vel eam quae fidei est scientiam, erudit et euenit ad aeterna capienda cor credentis, et bene cogitata aeterna faciunt temporalium testimonia credibilia nimis. Magnitudinem siquidem divinae bonitatis in corde diligentis testatur dignitas operis, et intellectum aliquatenus summum bonum in sensu amoris constituit dignum Deo opus suum. In hoc enim de regno charitatis, quod est in statu aeternitatis, illuxit nobis summa sapientia secundum posse doni sui, supra posse captus nostri, cum qui erat in forma Dei factus est in forma servi, docuit intelligentes per ea quae fecit, quid boni sit, quod nos inaneat in illa regione summi boni. Quod quidem temporaliter est factum; sed in eo qui in principio erat apud Deum (*Joan. i*); vita erat opus suum, et aeternaliter erat apud Deum. Ex quo profluxit in mundum nova sapientia, sapientia super omnem sapientiam mundi hujus, et stultam eam faciens, intelligentium et sapientium, stulta et infirma Dei fortiora esse omnibus hominibus; sapientium suavi mentis sapore humilitatem filii usque ad mortem, mortem autem crucis, passiones patientis pro nobis, irrisiones, alapæ, sputa, flagella, spinas et clavos, et cetera, quae anima vulnerata charitate vix aliquando potest recordari prepondere doloris; nunquam vero oblivisci eam patitur affectus amoris. Ex quo sunt temporalia Domini opera in corde fidei aeternitatis mira quedam sacramenta, et ad imitationem earumdem passionum incentiva mirifica, ut amans quantum potest, ardeat amare plusquam potest humana infirmitas, et pati

A pro eo plusquam pati potest infirma humanitas. Hec autem sit, cum secundum præceptum Apostoli sanctificat homo fidelis Dominum Jesum Christum in corde suo (*I Petr. iii*); et ipse Dominus sanctificat semetipsum in eo (*Joan. xvii*). Hanc fidem utinam omnes assequerentur, qui profiterentur! omnes haberent, qui in numero fidelium se ceuseri gloriautur! Non enim arbitrandum est, quod possit hanc ad Deum habere fidem, quicumque saeculo huic adhuc probatur servare fidem. Propter quod dicit apostolus, quia « bonam conscientiam quidam repellentes, circa fidem naufragaverunt (*I Tim. i*). » Mala enim conscientia facile patitur naufragium; nec probe, nec probabiliter habere se potest circa fidem; qui concupiscentia carnis vel saeculi corruptam habuerit mentem. Unde item dicit Apostolus de quibusdam. « Corrupti mente, reprobi circa fidem (*II Tim. iii*). » Si quis vero vere fidelis est, sicut ad levissimam cordis vel cerebri laesionem, vel earum in corpore partium, in quibus vita continetur, tota repente stupescit natura; sic ad pulsum fidei vel levissimum, tota in eo contremiscit bona voluntatis substantia, et sicut prudentia serpantis totum corpus objicere solet pro capite tuendo, in quo vita ejus continetur, sic homo fidelis nihil agere vel pati recusat, dum fidei suæ sua semper maneat sanitas imperturbata. Orandum ergo nobis est assidue Pater noster qui est in celis, ut fidem nostram etiæ probandam, aliquando usque ad tentationem patitur perduci, non quasi reprehendam patiatur induci; sed præstet cum tentatione proventum, ut possimus sustinere. Omnibus etiam studiis pietatis contra sensum carnis et servorem naturæ querendum est auxilium gratiæ; ne fides fatiscat, ne deficit; sed fructum afferat in patientia, donec paulatim gratia Spiritus sancti totam illam naturæ trepidantis effigiem mirificet in substantiam quandam perfectæ fidei; persiciens in ea quod David precatur. « Amputa opprobrium meum, quod suspicatus sum (*Psal. cxviii*). » Adsciscat sibi prudens animus monumentum fidei, ad confirmandum cor, ad illuminandam fidei conscientiam, magna Ecclesiæ luminaaria; summos vires spiritualis scientiæ, summae sapientiæ, sanctitatis probatæ, doctrinas et scripta eorum, opera eorum et martyria, dicatque sibi contramotus temptationum suarum: Tunc istis melior est, aut sapientior, sanctior, aut perspicacior, qui hoc in mundo docuerunt quod a Deo didicerunt, magisque prædicaverunt, luculenter descripta ad nos transmiserunt, vita et miraculis confirmaverunt, morte et martyrio sacraverunt? Hujusmodi autem fidei cogitationes, mentiumque nutationes et hæsitationes cognitionum, maxime circa humanitatem Solvaloris agitantur, et ea fidei mysteria quæ nobis in ea revelantur. Nam de Deo utrum sit, utrum agantur omnia per ejus providentiam, quæ creata sunt et condita per ejus omnipotentiam, ad omnem conscientiam, quæ rationis est capax, sic naturaliter se demonstrat veritas summae essentiae, et mani-

festam se facit, ut non sit, qui a Deo se esse non intelligat, qui de seipso scit quod sit; in tantum ut nec ipse insipiens audeat dicere nisi in corde suo: « Non est Deus (*Psal. XIII*) ; » in corde scilicet insipienti et fatuo. In nullo enim hominum quis satis sit compos mentis suæ, sic inventur depravata humanitas, ut non intelligat omnis creaturæ creatum esse Deum; qui sit super omnem creaturam, in quantum ab ipso omnis creatura est; extra omne tempus quod apud eum nullum est; extra omne locum, qui apud eum nullus est, qui immutabilis movet omnia: penes quem auctorem omnium et motuum et mobilium, indubitanter estimandum est esse immobilem potestatem, et causalem rationem omnium, et creandorum et movendorum.

Qui cum ab æterno certis et immobilibus causis omnia quæ futura sunt prædestinavit, jam secundum prophetam, omnia quæ futura sunt, fecit. Hæc omnia libere de Deo cogitare paucorum est; omnem tamen hominem rationalem penes se hæc habere naturaliter, humanæ rationis est. Propter quod ex imagine summae veritatis ac summi boni ab omnibus hominibus veritas etiam non cognita diligitur, et non nisi quod creditur vel intelligitur, bonum appetitur, æternitas et incorruptibilitas amat. Quapropter si quis sibi in hoc moverit quæstionem, cito invenit penes semetipsum quoniam compescat rationationem tumultuantem, vel se accusans tarditatis, occultam veneretur veritatem. De humanitate vero Salvatoris non aliud docere, non aliud ab homine, negue per hominem possumus discere, quam, « qui crediderit, salvis erit; qui vero non crediderit, condemnabitur (*Marc. XVI*). » Deum quippe facere vel posuisse, vel debuisse, quæ fecisse cum astruit evangelica prædicatio, præsto sunt multæ et multiplices, et ipsa causa digaissimæ rationes; fecisse vero, extra auctoritatem evangelicam apud piæ quidem aures et mentes gravissimam et reverendissimam, apud infideles sive hæsitanter, quas affremus rationes? Nec ipsum, sicut dicunt ore, submurmurant corde, nec opera ejus viderunt, qui dixit: « Si mibi non creditis, vel operibus credite (*Joan. X*). » Non viderunt apostolos in nomine ejus facientes miracula; non eos, qui per eos crediderunt, signa sequentia; de quibus ipse dixit. « Signa eos qui crediderint, hæc sequentur (*Marc. XVI*). » Quamvis usque hodie non desint signa et miracula in Ecclesia Dei, et publica et privata; sed sunt suis locis, suisque temporibus; non ad voluntatem hæsitantium, vel ad quæstiones incredulorum, sed in adiutorium fidelium et consolationem pro fide vel in fide laborantium, quæ vel in illis, vel per illos fiunt, non ut credant, sed quia credunt. Sed errare amant increduli, habentes amores quos nolant vincere, et per illos missi in errores, a quibus non inventiant qua redire. Sed et sensus in eis carnis, qui etiam de spiritualibus nescit cogitare, nisi corporaliter, multo minus de his, quæ humanæ dispensationis sent in Domino Iesu Christo, scit vel potest co-

Agitare nisi carnaliter. Nisi enim Spiritus sanctus adjuvet infirmitatem etiam fidelium pie querentium, humilietur poterit, religiose pulsantium; facilius multo est homini de Deo sentire divina quam vel divina in homine, vel humana in Deo cogitare; donec ipso Spiritu adjuvante, et Domino Iesu Christo semetipsum in cordibus credentium sanctificante, illuminatæ fidei apparere incipiat in una eademque persona mediatoris, et divinitas, quæ sunt humanitatis clarificans in maiestate sua et humanitas, quæ divinitatis sunt clarificans in humiliata sua, fiat in eis, quod ipse Dominus dicebat aliquando orans pro discipulis suis: « Nunc clarificatus est filius hominis, et Deus clarificatus est in eo. Si Deus clarificatus est in eo, et Deus clarificavit

B eum in semetipsa (*Joan. XIII*). » Etenim secundum modum vel profectum puritatis interioris in cordibus credentium, et glorificatur Christus in pulchritudine glorificatæ humanitatis, et in gloria divinitatis apparet pia fidei in affectibus eorum. Non enim omnium est, nec omnibus conceditur in hac vita, quod speciali quadam prerogativa gratiæ aliquibus in Evangelio Dominus reprobuit, dicens.

C « Sunt de hic stantibus, qui non gustabant mortem, donec videant filium nominis in regno suo (*Matth. XVI*). » Aliter eum vidit Stephanus in ipso articulo martyrii sui, cum « intuens in cœlum vidi cœlos apertos, et Jesum stantem a dextris Dei (*Act. VII*); » aliter eum videbat, cui ipse post resurrectionem suam dicebat. « Noli me tangere: nondum enim ascendi ad Patrem meum (*Joan. XX*). » Quem etiam aliter vident per fidem cogitando, qui digni sunt, cum soli sibi sunt; aliter, cum per sufficientem gratiam ipse est in ipsis per affectum devotionis. Cum enim speculator gloriam Domini anima sitiens ad Deum vivum, ducente gratia, offendit in Mediatorem Dei et hominum, hominem et Deum, imaginem Dei invisibilis, Dominum Jesum Christum. Quæ cum ex magnitudine bonitatis qua pro nobis homo factus est, et virtute majestatis qua Deus est sentit in scipsa splendore gratiæ Dei, et figuram substantiæ ejus sit quod dicit Apostolus: « Nos, inquit, revelata facie gloriam Domini speculantes, in eamdem imaginem transformamur a claritate in claritatem, tanquam a Domini Spiritu (*II Cor. III*). » Amat enim, et amor suus sensus suus est, quo sentit eum quem sentit; et quodammodo transformetur in id quod sentit, non enim eum sentit, nisi in eum transformetur, hoc est nisi ipse in ipsa, et ipsa in ipso sit.

Etenim sicut se habet sensus exterior corporis ad corpora et corporalia, sic est interior ad similia sibi, id est, rationabilia ac divina, vel spiritualia. Interior vero animæ sensus intellectus ejus est. Major tamen et dignior sensus ejus, et purior intellectus, amor est, si fuerit ipse purus. Hoc enim sensu ipse Creator a creatura sentitur, intellectu intelligitur quantum sentiri vel intelligi potest a creatura Deus. Sensus eum vel anima hominis

cum se movet ad sentiendum sentiendo mutatur in id quod sentit : alioqui non est sensus, ut puta, sicut physici autem, vis visibilis a cerebro per radios oculorum egressa offendit in formam vel colores visibilium : quas cuius menti renuntiat, conformatur eis mens ipsa, et sit visus. Non enim alter videtur videns. Quod æque de ceteris sensibus intelligendum est. Sic mens pro sensu habet intellectum, eo sentit quicquid sentit. Cum sentit rationabilia, ratio in ea progreditur : qua renuntiante, mens in ea transformatur, et fit intellectus. In eis vero quæ sunt ad Deum, sensus mentis amor est : ipso sentit, quicquid de Deo secundum spiritum vitae sentit. Spiritus autem vitae Spiritus sanctus est, de quo amat quicunque amat quod vere amandum est.

Cum enim nihil ametur, nisi quia bonum est, aut bonum putatur, datur intelligi, quoniam soli summo bono omnis amor deberetur, et totus amor : et ad ipsum recurrit semper, si non captivus ac vincitus alicubi tenetur, ubi falso bono decipitur.

Amor vero nostro, affectui nostro illi naturali, sic est amor Dei, sicut corpori nostro anima sua est. Si in ipso est, vivit; sin autem, nonnisi mortificum quoddam est, quod non sentit, quod sentiendum est. Cum autem vivit homo, et sentiens per eum quod sentiendum est sentit, in id quod sentit transformatur, plus in hoc valente amantis affectu, quam vel sensu in corporibus, vel in rationalibus intellectu et unus spiritus efficitur homo cum Deo, cui afficitur. Habet enim voluntas animæ ad copulandas res etiam corporeas vim tantam, ut sensibus eas admovens tanta nonnunquam intentione sensus ipsos in eis formatos detineat, ut voluntas ipsa efficiatur amor, vel cupiditas, vel libido : ferventiore intentionis vehementia intantum rebus sensis iubians, ut de eis ipsum corpus inhiantis vel amantis sic afficiat vel inficiat, ut aliquando illud in similem vel speciem vel colorem transfundat. Non hoc latuit patriarcham Jacob (*Gen. xxx*), qui colores quos volebat artificiali et naturali machinamento pecudibus nascituris indidit, ne hominis barbari nequitia laboris sul mercede defraudaretur.

Quod multo potentius digniusque agitur, cum ipse qui est substantialis voluntas Patris et Filii, Spiritus sanctus, voluntatem hominis sic sibi afficit ut Deum amans anima, et amando sentiens, tota reperente transmutetur non quidem in naturam divinitatis, sed tamen in quamdam supra humanam, citra divinam, formam beatitudinis, in gaudium illuminantis gratiae, et sensum illuminatae conscientiae : intantum ut spiritus hominis qui paulo ante vix in Spiritu sancto poterat dicere, « Dominus Jesus, » jam inter filios adoptionis confidenter clamet « Abba Pater (*I Cor. xii; Rom. viii*) : » nec tantum spiritus, sed et caro ejus promissa incorruptionis et glorificationis sue jam aliquas sentiens primicias, grananter abneget se sibi, alacriter currens post spiritum suum, sicut ille post Deum. Et hoc est jubilatio

**A** beati populi scientis jubilationem, in lumine vultus Dei ambulantis in nomine ejus exsultantis : quibus exaltationis justitia Deus est; et gloria virtutis eorum ipse est. Haec enim assumptio Domini, et sancti Israel regis nostri; cum sentimus de eo in bonitate, qui similis factus est nobis; et sentimus in nobis, quod et in Christo Iesu Dominor nostro, cum similes efficiemur ei gratus compatiendo nunc, postmodum similes ei futuri conregnando. Nec enim major potest esse suavitas homini in hac vita, quam cum in imagine conditoris in similitudinem beatitudinis ejus invenit se bene affecta conscientia. Hanc quicunque desiderat suavitatem, nequaquam onerosam habeat in exercitio fidei laboriosam necessitatem : quoniam et tribulatio patientiam operatur, patientia probationem, probatio vero spem : spes autem non confundit (*Rom. v*) ; quia post probationem diffunditur in corde charitas : et mox per Spiritum sanctum ordinalur sua pice menti suavitatis, et sit ei in hoc crebra visitatio Dei, custodiens, sicut dicit sanctus Job (*Job x*), spiritum servi sui. Quæ enim potest esse visitatio dulcior, consolatio major, lumen divinum sperantibus, in tenebris hujus vilæ laborantibus filiis lucis, quam vel in transcurso fulgoris gratiae illuminantis oculis cordis aliquando aliquatenus videre demonstrante, sentire promittente, et quid apud Dominum misericordie et compassus redēptionis, quid propitiatiōnis sit, intelligere ; laborantibus in regione mali quid in regione boni promittitur suspicere ; ante revelatam faciem gratiae revelatam offerre faciem bonæ conscientie ! O ergo quicunque desideras et affectas habere in fide tua, in vita ista, gaudium, hoc diuinculum Domini Dei tui esto non dubius, non hesitans, sed certissimus arbiter cordis tui. Habe in fide certa gaudium certum in fundamento suo, fundatum cum conscientia bona ; et hoc tuum erit, et nemo tollit illud a te. Deinde postquam cooperis videre, satage ut crebrius videois; efficacius sentias, ut incipias cogoscere. Ex hoc enim fidei suo iam illucescere incipiet nova quædam fidei facies in cognitione Dei, promittens se tantum in hac vita, plenissime vero se datura in futura vita, de qua orans Dominus pro discipulis, dicebat ad Patrem : « Haec est vita æterna, ut cognoscant te verum Deum, et quem misericorditer Iesum Christum (*Joan. xvii*). »

Cognitio autem haec Dei alia fidei est, alia amoris vel charitatis. Quæ fidei est, hujus vita est ; quæ vero charitatis, vita æternæ : vel potius, sicut Dominus dicit, « haec est vita æterna. » Aliud quippe est cognoscere Deum sicut cognoscit vir amicum suum, aliud cognoscere eum sicut ipse cognoscit semetipsum. Cognitio communis est cogniti hominis, seu cognitæ rei, ex aliquanta visione conceptum penes se in memoria habere phantasiam, qua res ipsa vel abeens cogitatur, vel præsens cognoscitur. Haec cognitio in Deo, fidei est ; non quod sit similitudo aliqua phantasmatis, sed aliquis affectus pietatis : qui ex fidei forma conceptus et commendatus

**m**enoritatem, quoties reddit ad experientiam recordantis, suaviter affectat conscientiam cogitantis. Ea vero cognitio quae mutua est Patris et Filii, ipsa est unitas amborum, qui est Spiritus sanctus; nec aliud eis est cognitio, qua se mutuo cognoscunt et substantia qua sunt in quod sunt. Hac vero cognitione et nemo novit Patrem, nisi Filius; et nemo novit Filium, nisi Pater, vel cui ipsi voluerint revelare (*Matth. xi.*). Verba hæc Domini sunt. Aliquis ergo revelant, scilicet quibus volunt, quibus innotescunt, hoc est, quibus largiuntur Spiritum sanctum, qui communis notitia, vel communis voluntas est amborum. Quibus ergo revelat Pater et Filius, hi cognoscunt, sicut Pater et Filius se cognoscunt, quia habent in semetipsis notitiam mutuam eorum, quia habent in semetipsis unitatem amborum, et voluntatem vel amorem, quod totum Spiritus sanctus est. Sed aliter hoc est in divina substantia, in qua cum Patre et Filio consubstantialiter ipse unum est, aliter in inferiore materia; aliter in Creatore, aliter in creatura; aliter in propria natura, aliter in gratia; aliter in donante, aliter in accipiente; aliter in æternitatis incommutabilitate, aliter in temporali permutatione. Ibi enim mutua charitas, unitas, similitudo, cognitio, et quidquid commune est ambo, naturaliter et consubstantialiter Spiritus sanctus; hic autem facit illud in eo in quo sit, et faciendo per gratiam in ipso est. Ibi mutua cognitio Patris et Filii unitas est, hic hominis ad Deum similitudo, de qua dicit apostolus Joannes in Epistola sua: « Similes ei erimus, quoniam videbimus eum sicuti est (*I Joan. iii.*). »

**S**imilem enim ibi esse Deo, videre Deum, sive cognoscere erit: quem in tantum videbit, sive cognoscat, qui cognoscet vel videbit, in quantum similis erit: in tantum erit ei similis, in quantum eum cognoscet vel videbit. Videre namque ibi seu cognoscere Deum, similem est esse Deo; et similem ei esse, videre seu cognoscere eum est. Hæc cognitione perfecta vita erit æterna, gaudium quod nemo possit habenti. Nequaquam enim hic plenum esse potest, quod non nisi in plena Dei cognitione impleri potest, quia quæ de Deo hic sciuntur vel cognoscuntur, nequaquam sciri possunt vel cognosci, sicut in vita illa, ubi videbitur facie ad faciem, et sicuti est. Qui cognitionis modus non est hic exceptandus ab ore alicuius hominis, quia non potuit addisciri ex ore ipsius Veritatis. Non quod Dominus non potuerit docere, sed humana infirmitas non posset portare. Nec tamen hic omnino eum auferat a dilectis dilectoribus suis, ut sciatur quid desit sibi. Etenim pauperum spiritu amori indigo et egeno, et ad id quod amant anxi, superfertur Spiritus sanctus amor Dei, hoc est facit opera sua in eis, non per indigentiam necessitatem, sed per abundantiam gratiae et beneficentiae sue. Illoc significabat, cum superferebatur super aquas (*Gen. i.*), quæcumque fuerint aquæ illæ.

Sicut enim sol superfertur aquis calefaciens eas  
PATROL. CLXXX.

**A** et illuminans, et calore suo trabens eas ad se vi quadam naturali, ut pluvias inde subministret terræ sienti, in loco et tempore misericordiae Dei; sic amor Dei amori fideli sui superfertur aspirando et benefaciendo rapiens eum ad se naturali quodam appetitu sequentem, et instar ignis vim habentem naturalem sursum tendendi; et unit eum sibi, ut creditus cum Deo unus cum eo sit spiritus hominis et creditis. Quoique communiter vocantur Pater et Filius, et Spiritus enim est Deus (*Joan. iv.*), quodquid propriæ vocari oportuit Spiritum sanctum, qui non tam est unius eorum, quam in quo apparet communitas amborum, ipsum vocabulum spiritus communicat homini ipse Spiritus sanctus, ut secundum Apostolum (*I Cor. vi.*), sit homo Dei cum Deo unus spiritus, et gratia nominis, et affectu virtutis: non unus tantum homo, sed multi homines cor unum habentes in ipso et animam unam ex derivatione illius summæ charitatis, in cuius fonte est, quod est unitas Trinitatis.

**E**t hæc est mira Creatoris ad creaturam dignatio, magna gratia, incogitabilis bonitas, pia creaturæ ad Creatorem fiducia, dulcis accessus, bonæ conscientiæ suavitatis, in amplexu et osculo Patris et Filii, qui Spiritus sanctus est, hominem quodammodo invenire se medium, et ipsa charitate Deo uniri, qua Pater et Filius unum sunt, in ipso sanctificari, qui sanctitas est amborum. Hujus boni sensus, et suavitas experientiae, quanta potest esse in hac misera vita et falsa, jam quamvis non plena, vera tamen est vita, et vere beata; in futuro futura plena et plene beata, et incommutabiliter æterna; scilicet cum cognoscet Paulus sicut et cognitus est (*I Cor. XIII.*), cum evacuabitur quod ex parte est, et veniet quod perfectum est, cum videbitur Deus sicuti est. In hac enim vita cognitionis hujus plenitudinem promittere periculosa presumptio est; et in hujusmodi sicut circa credenda infidelitas, sic circa intelligenda temeritas cavenda est. Sed regat interim auctoritas Ædein, veritas intelligentiam.

**I**nterim etenim etsi non potest Deus videri, vel cognosci sicuti est, non parum proficit proficiens, si nil pro Deo suscipit quod ipse non est, ut quidquid corporeum locale occurriterit, quidquid alicuius prætulerit formam qualitatis vel dimensionem quantitatis, respuat mens fidelis et improbat: ipsamque veritatem sicut potuerit cogitat, et certissime eam cognoscat et amet; quæ quam vera sit, ex hoc evidenter dignoscitur, quia etiam non cognita amatur. Hæc veritas Deus est, qui est quod est; et ex quo, et per quem, et in quo, est omne quod est: hoc ipsum sumnum bonum est, ex quo, et in quo, et per quem est bonum, bonum quocunque est. Remove quæcumque ex veritate vera, quæcumque ex bono bona sunt; ipsamque veritatem, ipsum bonum cogita, si potes. Quis cogitat, et non amat? Namrum Deus est id ipsum est, quod cogitare et amare id ipsum est. Ipsum dico, non de ipso. De ipso enim multi cogitant, qui non amant, ipsum

autem nemo cogitat, et non amat. Semper vero inibiandum est, ut quantum datum fuerit, gustetur quam suavis est Dominus, cum vero mens pia, inens humilis, admitti non meretur in illam puritatem, propter suam impuritatem, vel si admittitur ad gustandum, non sufficit stare ad fruendum propter suam imbecillitatem, non sine gemitu amoris et lacrymis doloris, inde pellatur, et amplectetur bonitatem Domini ad disciplinam: bonitatem in eo quod indigna admittitur; disciplinam, quod repulsa eruditur; seratque patienter, quandiu mundatur, et dignam se faciat quae crebrius admittatur, diutius immoretur: ubi et aliquando in aeternum habitare mereatur, ut possit esse in Christo, ubi ipse est; in Patre esse cum illo, in quo ipse est. Quod non est hujus vitae, sed ejus in qua videbitur sicuti est: videtur, cognoscetur, non creditur. Utinam intelligeremus quae dicimus. Videt haec, intelligit haec beatus populus, qui scit jubilationem, qui ambulat in lumine vultus Dei. Non vero verba jactamus, verbis involvimus, et impeditur ab eo quod nullis verbis exprimi potest: et tamen non nisi verbis de eo aliquid dici potest. Sicas enim formas verba habent in significandis rebus in locutione; et eas imaginant in loquentis vel audientis cogitatione. Et cum significant formas et formata, mentem ab interioribus suis foras trahunt ad res, quarum ipsa signa sunt. Cum vero rerum spiritualium vel divinarum signa sunt, intus quidem nos mittunt, sed intro non nisi impediunt, et oculis mentis caliginem obducunt. Sic enim mentem admissa inclinunt imaginationibus suis, ut vix sine eis cogitari possint spiritualia vel divina, quarum nullae penitus formae vel imagines sunt.

Verbi gratia, Deus quid est? Nomen timoris. Dominus quid est? Nomen potestatis. Si rei ipsius nomen requiris, « Ego sum », inquit, qui sum (Exod. iii). » Hoc nomen, sicut ipse dicit, ei est ab initio, quia ad significandam rem, nullum ei aliquando verbum proprius accessit. Non tamen sicut est exprimit, quia pertransit, quod autem significat, est aeternum, nec plene illud significat, nisi verbum coeternum. De ipso ergo multa multis edicere fas est, ipsum autem cui praeter ipsum? Amor tamen, amor illuminatus, qui intus Deo loquitur, melius hoc agit; et humilis devotio, cuius conatus pietas est, accessus oratio, inventio, vel intellectus, ipsa rei fructu nbi colloquitur affectus et gratia, respondent sibi fides et intellectus: spes et res convenient, misericordia et veritas obviant sibi, justitia et pax se osculantur. Sed quia fides nutrit amorem, quae sanat ad haec oculum mentis, quod intelligimus, sine obscuritate capiamus, quod non intelligimus, sine ambiguitate credamus nec a verbis omnino recedamus, quandiu nescientibus eorum ministerio ingreditur nobis quod verbis nobis percipendum est, et tamen sine omni verborum forma credendum est nobis. Nam et ideo Verbum Dei in forma hominis apparuit, ut multifariam multisque modis olim Deus

A locutas patribus in prophetis, novissime diebus istis loqueretur nobis in Filiō (*Hebr. 1*): hoc est efficaciter, sicut in ipso Verbo suo, quia quod temporaliter et corporaliter in eo siebat, quasi ad suscipiendum manibus fidei porrigebat: ipsum autem Verbum, per quod facta sunt omnia, per corporalia et temporalia purgandis promittebat: et purgatis in aeterna beatitudine plenus contemplandum et habendum reservabat. Ubi sicut Christus non secundum hominem cognoscetur; sic et hic a desiderantibus aliquatenus eum supra hominem cognoscere verbis quae de eo sunt non nimis inhæreantur, sed eis quasi navigio a fide ad speciem transeat. Cum enim dicitur, quia « Pater in Filio, et Filius in Patre est (*Joan. xvii*), » et ipsi in nobis, et nos in ipsis, si verbotenus haec intelligimus, quid nisi idolum in cordibus nostris fabricamus? Cum enim locus sit unicuique ubi est, si ex his verbis cogitamus locum vel locale quid in Deo, longe a veritate aberramus. Sicut igitur jam dictum est sive in verbis, sive in verborum formis non parum proficitur, si nihil in corde cogitatum pro Deo recipitur, quod ipse non est, quandiu non potest cogitari Deus, sicut est. Sed cum aliis sit Pater, aliis Filius, hoc est esse Patrem in Filio, id esse quod est Filius; hoc esse Filium in Patre, id esse quod Pater est. Nos vero sumus in eis per piam affectionem, ipsis vero in nobis per misericordissimam pietatis ejus operationem. Sed et illa verba Domini, et haec nostra illa exponentia usu vel ratione docuimus dicere os nostrum, et cogitare cor nostrum quoties volumus, quae tamen non aliquando intelligimus, nisi per affectus experientiam, et interiorum sensum amoris illuminati, et si multum velimus. Ideo ipse Dominus apparet in carne hominis, sicut de mundo abstulit vanitatem idolorum, sic dum cogitationibus Deum proposuit in Trinitate unitatem, Trinitatem in unitate, fulgorans coruscatio divinitatis omnem tulit a cogitatione fidei de Deo vanitatem imaginationis. Cum enim divinitatis intellectum docuit esse supra homines, suo inde modo docuit cogitare homines. Omnia ergo facta vel verba Verbi Dei unum nobis verbum sunt; omnia quae de eo legimus, audiimus, loquimur, meditamur, sive provocando amorem, sive incutiendo timorem, ad unum nos vocant, ad unum nos mittunt, de quo multa dicuntur, et nihil dicitur, quia ad id quod est, non pervenitur, nisi occurrat ipse qui queritur, et illuminet vultum suum super nos, et illustret faciem suam, ut in lumine vultus ejus sciamus qua gradiamur. Vultus ejus sensui astantis innotescens voluntas ejus est, facies ejus cognitio veritatis ejus. Nec unquam bene de Deo sentitur, nisi cum Deus facie hac formatur, vel facici huic conformatur sensus de Deo sentientis: nec de sensis bene judicatur, nisi de vultu illo prodeat judicium judicantis; nec bene quid agitur, nec bene aliquando vivitur, nisi inde formentur actus vel vita, secundum Deum vivere volentis; nec inde queritur, nec inde accipitur nisi ex dono gratiae omne meritum preve-

nientis. O ergo, quem nemo quererit vere, et non invenit, quippe cum ipsa veritas te querendi in conscientia querentis non suspectum jam habeat responsum aliquatenus inventæ veritatis; invenimus, ut iuveniamus te; veni in nos, ut eamus in te, et vivamus in te, quia vere non est volentis, neque

A currentis, sed tui miserentis. Tu prior inspira, ut credamus; tu conforta, ut speremus; tu provoca et accende, ut amemus; totumque de nobis tuum sit, ut bene nobis in te sit, in quo vivimus, moveamur et sumus.

## ÆNIGMA FIDEI.

(*Bibliotheca Cisterciensis* t. IV, p. 93.)

Humanæ infirmitatis religiosa confessio est, de Deo hoc solum nosse, quod Deus est. Cæterum essentiam ejus vel naturam, et secreta illa imperscrutabilis judicij ejus decreta investigare quidem et perscrutari pium est: quæ tamen cum mens terrena non penetret, inscrutabilia et investigabilia esse confitendum est. Quorum alterum religiosæ voluntatis est, alterum imperscrutabilis naturæ. Unde et Apostolus, cuius fidem homo sæculi non capit, et cuius sensus dicta alius præterquam ipsius verba non explicant, perscrutando et investigando ea stupet: et dicit: « O altitudo divitiarum sapientiae et scientiae Dei: quam incomprehensibilia sunt judicia ejus, et investigabiles viæ ejus (*Rom. ii.*). » Ubi ergo tanta fortitudo trepidat, humanæ verecundiae modum religiosa omnipotentie fides concludat, neque se infirmitas intelligentiae nostræ ad perscrutanda ea quæ perspiciendi naturam non habent, extendet. Si enim cœntribus solis claritatem virtus cœntruentis virtute luminis obstupescit, intantum, ut si quando causam radiantis lucis sollicitius acies curiosæ contemplationis inquirat, usque ad emortuum videndi sensum oculorum natura revocetur, accidatque magis nitendo videre ne videat: quid nobis in Dei rebus et sole justitiae exspectandum est? Nonne volenti supersapere incumbet stultitia? Nonne ipsum acre intelligendi lumen stupor hebetis desipientiae occupabit? Non enim causa inferior causam naturæ potioris intelligit, nec subjetat humanæ conceptioni ratio cœlestis. Nam intra conditionem infirmitatis erit, quidquid infirmi hominis conscientiae subdetur. Sed in quantum ratio cœlestis se permittit intelligi, in tantum expetenda est; ne si contenti ejus indulgentiae moderamine non sumus, amittamus indulta. Estne ergo in Deo, quod percipi possit? Est plane, si modo hoc velis, quod possis. Cæterum si ultra quam potes, speres, id quoque quod potuisti, non poteris. Visio namque facie ad faciem, et plena cognitio nemini hic datur, sed pro merito fidei, qua credimus hic quod non videmus, in futuro promittitur. Habetus enim interim hic promissorum bonorum lumen in fide: in qua tanquam per speculum et in ænigmate felicium rerum, et futurorum bonorum imaginem intuemur. Si enim queritur, utrum in

B hac vita mortali a mortali homine potest videri Deus, respondemus, potest: sed non corporeis oculis, sicut videmus hunc solem; vel mentis obtutu, sicut unusquisque semetipsum videt aliquid querentem aut scientem; sed fide, quæ canonistarum Scripturarum auctoritate muniatur.

Visus est tamen a Patribus ea specie quam voluntas elegit, non natura formavit (*Auc. epist. 112*).

« Deum enim nemo vedit unquam, » ait evangelista Joannes (*Joan. i*); utique sicut videntur ista, quæ visibilia dicuntur. Propter quod et continuo subjunxit: « Unigenitus qui est in sinu Patris, ipse narravit. » Deum enim corporeis oculis istis nemo unquam vedit; sed narrante Unigenito, qui est in sinu Patris, narratione ineffabili, creatura rationa-

**C**lis munda et sancta impletur de visione ineffabili: quæ sic potest intelligere narrantem, sicuti verbū non sonus auribus strepens, sed imago mentibus intoscens, ut illud ei interna et manifesta luce clarescat, quod dictum est a Domino: « Philippe, qui video me, vides et Patrem (*Joan. xiv*). » Desiderium enim veraciter piorum, quo videre Deum cupiunt, non, ut opinor, in eam speciem flagrat contuendam, qua quando vult, sicut vult, apparel quod ipse non est, sed in eam substantiam, qua ipse est id quod est. Videri enim hic mundo corde potest, comprehendendi non potest. Sed in hac quæstione Deum videnti, plus mihi videtur valere vivendi modus, quam loquendi. Nam qui didicerit a Domino Iesu Christo mitis esse et humilis corde, plus in hoc cogitando et orando proficiet, quam legendo vel audiendo, quam vis nonnunquam et legendō et audiendo proficiat. Nemo autem se dicat velle Deum videre, qui mundando cordi curam tantæ rei dignam noluerit impendere. Nemo enim valet Deum videre et vivere; quia necesse est attrahi ab hac vita mentem, quæ in illius visionis ineffabilitatem assumitur. Alterius namque et potioris vite est visio illa, quæ in futuro promittitur, sed jam hic in cunctis illis gratiae inchoatur.

Unigenitus ergo Filius Deitatis naturam atque substantiam insonabiliter narrans dignis idoneisque oculis tanto conspectui, etiam in hac vita invisibiliter monstrat: et qui potest Deum invisibili-